



圖書編 五十九之六十一



内閣文庫		
五十四函	三〇三七號	漢書類
七架	六四冊	

内閣文庫		
五十四函	三〇三七號	漢書類
七架	六四冊	
(三三カ)		

内閣文庫	
番號	漢 3037
冊數	64 ( 33 )
函號	366 85



綴じ部(喉部分)の文字など開きが不鮮明な箇所あり



圖書編卷之五十九

淺

山總叙

南昌後學章潢本清甫編

天在山中易取大畜之象夫山雖廣矣大畜天能幾  
 何哉而聖人因象教人則曰君子多識前言往行以畜  
 其德殊有得意于山天之外也余于山而類編之得無  
 大畜之意歟嘗閱載籍古人于一山一水各有圖經余  
 深病載籍弗廣見聞淺鮮于殊方圖經未獲全覩類編  
 輿地圖書凡九州之沿革畿省郡縣之夷險九邊之阨  
 塞四夷之疆域悉而述之蓋為國計攸關也然水與



山一也海且圖焉以萬里海防與海運所關最重河且圖焉以河漕爲當今急務江且圖焉以江防亦匪細故乃獨略於山者得非謂嶽鎮祀典之外山於國計無與哉近偶遐想古今英傑挺生悉鍾山嶽之靈秀非可以一方一事比也山獨可略耶但山志散漫遍詢藏書之家亦視爲贅麗弗之畜焉今所得而錄者不過千百中之一二耳且巖谷勝境多仙翁禪客假之以棲真騷人逸士託之以寄興而記山遊者又似縱好異之談故其中所可圖而書者愈鮮也雖然斯道在天地間何顯何藏何常何異而多識以大畜者必不爲山所局也是故

峰巒之嶙峋聳拔天際巖洞之邃杳深入地中奇奇怪怪詭異萬狀非鬼神之工巧何造物之不可常情測一至此耶噫醯甕并天拘方曲見觀山類之圖編亦當爲之長一格云故孟子曰孔子登東山而小魯登泰山而小天下



崑崙山隴形勢之圖

西



東

東



東



崑崙墟在西北

三成爲崑崙丘崑崙說曰崑崙之山三級下曰樊桐一名板松二曰玄圃一名閼風上曰層城一名天庭是謂大帝之居

去嵩高五萬里地之中也

禹本紀與此同高誘稱河出崑山伏流地中萬三千里禹導而通之出積石山按山海經自崑崙至積石一千七百四十里自積石出隴西郡至洛準地志可五千餘里又按穆天子傳天子自崑山入于宗周萬里西土之數自宗周灑水以西北至于河宗之邦陽紆之山三千

四百里自陽紆西至河首四千里合七千四百里外圖又云從大晉國正西七萬里得崑崙之墟諸仙尸之數說不同道阻且長逕旣綿褫水陸路殊徑復不同淺見未聞非所詳究不能不聊述聞見以誌差違也

其高萬一千里

山海經稱方八百里高萬仞郭景純稱直上有二千五百餘里淮南子稱高萬一千一百里一十四步二尺六寸

按言崑崙最妄者云去嵩高五萬里閼風玄圃瑤池華蓋爲仙人所居云



臨川吳氏曰天下之山脉起於崑崙山脉之所起卽水源之所發也

崑崙爲諸山之祖

按性理大全臨川吳氏曰天下之山脉起於崑崙蔡牧堂發微論曰凡山皆祖崑崙陶公捉脈賦云大智察脈起自崑崙明山寶鑑云山脉之起本於崑崙是皆言天下之山始於崑崙也然觀山之所始必究其水之所起觀龍之所終必察其水之所界今以輿圖攷之天下諸水皆原於西北是可見山之起於西北矣蔡文正公曰山水皆原於西北故禹叙山叙水皆自西北而東南是也或云崑崙在西海戊地北海亥地東南接積石圖西北接北戶之室東北臨大活之井西南至城南之谷亦荒遠莫稽而楊公又云須彌山生四龍崑崙特其南肢葛谿氏述其說曰須彌山是天地骨中鎮天心爲巨物四肢分作四世界惟有南龍入中國南龍入自崑崙山龍子龍孫皆可別雖據佛經人所罕見闕之可也今但以中國山川之可攷者論之則崑崙誠諸山之祖在中國之西北九峯蔡氏云中國山勢岡脊大抵皆自西北而來蓋可見矣

崑崙天下山之頂也迺天下山之至高處山之起勢處



其東面中原也所以江淮河濟水皆東流其三面西域諸國也故自流沙以西水皆西流南自吐蕃兩廣水皆南趨北即沙漠又天下岡脊至高之處直北虎林至海都木鉢子田地地勢又逐漸而低水皆北流南視陰山之地反爲極南之境矣以此觀之地形如一亭子中高而四方下崑崙乃其結頂處四下之簷乃四方之國土考其流水可見必皆會同於四海

楊筠松曰須彌山

即崑崙也

是天地骨中鎮天心爲鉅物四

支分作四世界惟有南龍入中國此言殆有傳授若果分四支則崑崙山有四條分水黃河發自崑崙是一條

分水入中國自陝汴至廬鳳淮揚是一條山自蜀岷山

至寧紹台是一條山筠松所言南龍者也黃河北邊一

支經雲中太行至幽冀作北京東北去朶顏參衛等處

東去遼東由此南渡鴨綠江作朝鮮國分而北行者入

沙漠其極合有分水與黃河界合此龍而莫考其詳

一派殆是此龍北邊由此觀之則崑崙支派入中國者

分水配黃河者也不但一南龍而已

### 五嶽諸名山總叙

呂東萊先生晚歲卧家深居一室若與世相忘而其周覽山川收拾人物之意未能已也嘗有感於宗少文卧



遊之語每遇昔人記載入境之勝輒命門人隨手筆之  
目之曰卧遊錄非直爲怡神適志之具而已矧海宇巨  
嶽名山足跡弗能遍幸有先哲圖記具在時時覽之雖  
不出戶而神之所遊不廣且大乎因而第之彼天壽之  
山龍翔鳳舞自天而下其旁諸山則玉帶軍都連巨環  
抱銀山神嶺羅列拱護勢雄氣固以奠皇圖鍾山龍蟠  
石城虎踞颯颯乎大江之險汪汪然彭蠡之湖地控三  
山洲分白鷺惟茲形勝寔南北之兩都者次則太華少  
華芙蓉明星鴻門之坂長平之坡涑水沮水涇河渭河  
四塞之國關中與區太室少室嵯峨之瀆左石右澗皆

河汧洛欽峯峭由天壇玉屋傑哉周南中華之域太白  
之山大明之湖三觀岱宗二門天峻石間梁父云云  
亭憑山負海臨漳枕津大公用之而富管氏資之以興  
蒙羽東峙鉅野西馳尼阜鍾靈泗源萃氣乃玄聖之所  
生實速肖之闕里及夫祝融紫蓋之岫誕君山洞庭之  
吞吐金焦京口之奇天目具起之秘青城玉壘雲烟之  
外匡廬厭原星辰之裏五羊之羅浮入閩之武夷若斯  
者皆韞乾坤之精英萃萬有之神奇是誠宇內大觀也  
幾欲長遊遠眺南窮滄溟北抵紫塞東折若水之枝西  
奄蒙汜之谷頂摩大清轍環八埏縱游以大吾觀而不



吾遂也東萊叶遊之意詎能忘哉噫靈丘子謂務外遊不知務內觀務外遊者求補於物務內觀者取足於身茲錄也若以之博覽多識外也以之怡袖適志亦外也惟內觀者惟善於卧遊云

五嶽叙

粵若大極剖判非三才無以孕百神之靈一氣周流非五行不能儲萬物之秀是則五行三才百神一氣萬物無所不在矣故在天爲五星在地爲五嶽在人爲五臟在物爲五色至於聲教亦無所不備矣有逆順生殺消息盈虛之理得其道者聖功生焉神明出焉百姓日用而不知故君子之道鮮矣夫五嶽者自融結之始與五行之氣并生故其神也命五帝以封之其祭也秩三公以視之其靈也惟聰明正直以司之天子歲以四立之日各於主方而祭之常禮也故以我

朝敕祀五嶽五鎮之禮首是編云

皇明詔書

奉

天承運

皇帝詔曰自有元失馭群雄鼎沸土宇分裂聲教不同朕奮起布衣以安民爲念訓將練兵平定華夷大統以正



永惟爲治必本於禮考諸祀典知五嶽五鎮四海四瀆之封起自唐世崇名美號歷代有加在朕思之則有不然夫岳鎮海瀆皆高山廣水自天地開闢以至於今英靈之氣萃而爲神必皆受命於

上帝幽微莫測豈國家封號之所可加瀆禮不經莫此爲甚至於忠臣烈士雖可加以封號亦惟當時爲宜夫禮所以明神人正名分不可僭差今命依古定制凡岳鎮海瀆並去前代所封名號正以山水本名稱其神郡縣城隍神號一體改正歷代忠臣烈士亦依當時初封以爲實號後世溢美之稱皆與革去其孔子善明先王之

要道爲天下師以濟後世非有功於一方一時者可也所有封爵宜仍其舊庶幾神人之際名正言順於理爲當用稱朕以禮祀神之意所有神號各開列于後

一五嶽稱東嶽泰山之神南嶽衡山之神中嶽嵩山之神西嶽華山之神北嶽恒山之神

一五鎮稱東鎮沂山之神南鎮會稽山之神中鎮霍山之神西鎮吳山之神北鎮醫無閭山之神

一四海稱東海之神南海之神西海之神北海之神  
一四瀆稱東瀆大淮之神南瀆大江之神西瀆大河之神北瀆大濟之神



天下山分四條分主二十八宿

曰岍岐荆山壺口雷首大岳底柱東方宿也其次曰降  
 婁玄枵以負東海神主岱山曰歲星曰析城王屋大行  
 恒山碣石西傾朱圉北方宿也其次曰大梁析木以負  
 北海神主恒山曰辰星曰鳥鼠太華熊耳外方桐柏嶧  
 冢陪尾西方宿也其次曰鶉首實沈以負西海神主華  
 山曰太白曰荆山內方大別岷山衡山九江敷淺原南  
 方宿也其次曰星紀鶉尾以負南海神主衡山曰熒惑  
 中州居天下中其次曰鶉火大火壽星豕常神主嵩山  
 曰鎮星

論周嶽與虞夏商不同漢嶽與虞周不同

王制有恒山衡山而不言泰華嵩山舜典有四嶽而不  
 言中嶽蓋王制南北以山為至東西以水為至故五嶽  
 言其二舜典言四方巡狩所至地故五嶽言其四泰山  
 為東嶽華山為西嶽恒山為北嶽衡山為南嶽嵩山為  
 中嶽嵩山在函山縣之密高山即禹貢之外方也初無嵩  
 山之名職方山鎮有恒有岱有華有衡不言高高而有  
 嶽山蓋周都在五嶽之外故以雍之吳山為嶽山此周  
 嶽與虞夏商不同也舜典南嶽孔安國以為衡山職方  
 山鎮亦曰衡山是衡為南嶽明矣而爾雅有二說河南



衡山為南嶽又以霍山為南嶽蓋漢武帝巡南郡禮天  
 柱山號曰南嶽是以衡山遼遠而移其神于霍山也說  
 者謂一山兩名失之矣此漢嶽與虞周不同也九州敷  
 澤在職方為九在爾雅為十蓋職方以州言爾雅以國  
 言也爾雅敷澤之名如具越之具區即此揚也楚之雲  
 夢即此荆也大抵不殊獨晉之大陸齊之海嶠周之焦  
 獲與職方不同

五嶽真形圖











北直隸順天府山鎮曰天壽山

在府北一十八里山自

群峯聳拔若龍翔鳳舞自天而下其旁諸山則玉帶軍

卻連巨環抱銀山神嶺羅列拱護氣勢雄固以真諸陵

本名燕山今曰香山在府西北三十里上有二大石狀

改名天壽亦號曰小曰仰山在府西七十里峯巒拱秀中有平頂

西天云曰西山在府西三十里舊記太行山首始

蓋妙高紫微中多禪刹曰幽都平曰龍山義曰黍谷

爭奇瀟翠雲從星拱于皇都之右毋大雪初霽千峯萬

壑積素凝華若圖畫然京師八景之一曰西山霽雲山

勢與天壽山相為聯絡曰玉帶昌曰幽都平曰龍山

鄒衍次津曰密雲白檀密雲曹操破曰孤山通曰靈

生黍卽此曰密雲白檀密雲曹操破曰孤山通曰靈



流而下上有一石穴一名靈應洞曰莫金霸州曰崆峒蘇州曰南龍遵化

曰妙峯平谷曰徐無玉曰山出不曰燕山田彈琴峽在居庸關

水流石鏵古蹟黃金臺在府東南十六里又一曰小金臺在府東南十五里燕昭王于

易水東南築黃金臺延夫下士後人慕其好賢之孔水

洞大房山東北上有懸崖千尺餘下有石窟濶二丈許

又嘗聞音樂之聲唐胡詹記嘗有人篝火探之行五六日莫究其源但見仙鼠晝飛頰鱗時見

保定府山曰卽曰松曰伊和完縣曰馬耳完縣西三十里二峯

高聳挿天若馬耳之狀其間有桃花洞曰唐崑唐縣曰抱陽滿城曰班妃肅曰

大雄曰龍跡易曰石龜水曰東鹿巖東鹿縣北外隘內

古同

河間府山曰西山青曰天船東白馬峰在樂壽巖嶽廬

師谷景州

真定府山曰雲鳳井曰抱犢獲鹿曰交龍洞在抱犢山洞

如二龍相交之狀故名曰石溜元曰黃元曰廬平曰文靈曰大派

阜曰嘉定曰少容曲曰箕許由隱處有棄瓢曰紫微冀

曰鼓城晉曰武強武曰鈎盤臨城韓信敗曰檀贊皇周

于此高曰紫金深熊耳峯在龍封山與白雲洞在龍首

峰間方廣文許

順德府山曰風門曰石門刑曰黑沙曰堯唐縣堯始封

色錦曰蓬鵲內丘扁鵲採藥于此曰湯山沙河縣山下湯泉石上



聖人室

廣平府山曰聰明曰紫荆廣平曰天臺肥鄉曰紫邯鄲曰雞澤

雞澤

大名府山曰沙鹿府城東春秋沙鹿崩即此曰洪洋開川曰恆大名曰大

伾濬縣禹貢導河至于大伾即此曰白馬滑州曰秋帝營曰善花濬縣山有三峯

如鴨峙南北相跨曰岡左右溪澗不翅百餘西南岑近西有黑龍潭上有龍祠又有仰泉如盆者七十二春夏水常不減崖紫斑石又名柱人山相傳紂殺比干于此故名居人為其能興雲致雨曰善化

永平府山曰陽府城有李廣射虎石曰黃臺遷安曰兔耳撫寧曰橫山

灤州曰碣石昌黎禹貢注北平驪城縣枕海有石如甬道數十里山頂有大石如柱韋昭以為舊在河

口海濱世久漸淪入海已去岸百里今平州東離海二十里遠望其峯如屋以象有石頂如柱即此也

曰古

蹟天橋柱漢武登碣石望海處

隆慶州山曰東岩

保安州山曰磨笄山趙襄子姊遺跡曰泳鹿黃帝發於左于此

萬全都司曰大松山在龍門衛上有古松一株盤曲森聳故名曰翠屏右衛

野狐嶺勢極峻風力猛烈曰獨石開平一石屹起平地

鷹飛遇輒墜地

上可構數椽故有廟



# 燕山

## 圖



燕山在大行滄海間形勝雄據天下卽今 京師也以

然山脉盡于此故曰燕山昔燕昭王築黃金臺以招賢

者故又稱金臺朱子謂冀都是正天地中間好箇大風

水山脉從雲中發來蘇秦謂天府百二之國社稷謂王

不得不可爲王之地楊文敏謂西接太行東臨碣石鉅

野亘其南居庸控其北勢拔地以崢嶸氣摩空而嶺巒

真萬世帝王一都會也白石晉氏割燕雲十六州以異

拜丹茲上不沾中國聲教者蓋饒西百年於茲矣雖以

宋之全盛不能一日有况金元夷狄豈足以當之哉乃

今圖華關夷屹爲天府一代表衣冠文物之盛光前邁後



遂為我明聖子神孫億十萬載之業豈非天秘地藏固  
有待於其間乎

金臺諸山

都畿山川之勝其北崇山大嶺綵巨重疊東環大海西  
挾大行其南百里則軒轅之舊都俯視江淮如在階  
之下壯哉京師天之所啟也

西山

凡都會多勝緊若陝之終南洛之龍門建康之牛首臨  
安之吳山皆為名今登眺遊觀之地今留都之勝雄峙  
江南北都惟西山為最其峰嵒壯偉雖不逮陝洛諸山  
而奇峯怪石幽泉邃壑茂林澄湖與夫琳宮仙林九輝映  
金碧真天府之佳麗一方之奇觀矣

甕山

西山自大行聯亘起伏數百里東入于海而都城中受  
其朝靈秀之所會屹為層峰淮為西湖湖方十餘里有  
山趾其涯曰甕山其寺曰圓靜寺左田右湖近山之境  
於是始勝又三里為功德寺洪波衍其東幽林出其南  
路盡叢薄始達于野乃有玉泉出于山噴薄轉激散為  
谿池池上有亭乃

宣宗巡幸所駐蹕之處也又一里為華嚴寺有洞三其南



爲呂公洞一竅深黑投之石有水聲數步不可下竟莫有窮之者又二十里爲香山樓宇臺殿與石高下其絕頂勝壘山其泉勝王泉又二十里爲平坡寺俗所謂大小青龍居之迥絕孤僻其勝始極而山之大觀備矣

王泉山

王泉山在都城西三十里最號奇勝往遊西出阜成門望西山如屏幃層列翠出天半馳十餘里至豆腐間上高柳數株可蔭下憇其下周視野久平衍如席麥畦穀隴相間麥苗方生長寸許頃之造山下崇真觀上外小澗環流澗橋壞循岸西得清淺之處以渡道士王希言引入山門遍觀殿廡依岩壁爲之不其弘敞從東廡轉入小方丈頗高爽其前繫石爲臺臺麓方池水黝然黑色冬夏不登耗池上小室揭其楣曰靈淵厨後一小池深尺餘泉涓然流溢其中沿澗詣金山寺澗道欹側僅可步水清見底其中白石磷磷旣至寺出抵一笑庵觀龍洞洞方廣無尋丈旁有石穴深窅莫可測庵中老僧高頂龐眉長身竦瘦如野鶴希言云自朝鮮浮海而來常宴坐洞中夜有異物現充恬不怖畏蓋澹然忘世者欲入華嚴寺觀泉支流不果徑至泉所泉上有亭

宣宗命構以備臨幸亭下鰲石爲池泉側出石罅中鑿石



爲龍吻吐之池前爲石橋水從橋下出爲長溪曲折流  
三百步許渚爲西湖秋高氣清泓澗潄水光浮天浩  
然一白亭後三頂址皆石無大樹相傳上有昔人遺跡  
寬可坐數十人俗傳洞賓嘗宿于此名呂公洞

小西天

余以事至范陽之懷王鄉友人告余曰鄉西北山水秀  
異有石經洞爲學佛者所居名曰小西天蓋往遊焉越  
明日從一僕出獨樹村北行四里許兩山對峙外隘內  
豁小溪中出石峯參差如犬牙水觸石流滾然有聲公  
溪前行十餘里有巨石數十橫布水中躡之以渡登平

岡而望四山多巖絕之勢峰巒峙立如書亮王之筆者不  
可勝數其中一山若火燄而草樹獨茂問諸牧童知爲  
白帶山而小西天之境在焉迤邐至山麓壁立似不可  
登徐望之有磴道循山之偏脊直上行者前後頂踵相  
接凡三憩息始及山之半有石室題曰義飯廳碑志云  
唐乾符中僧臧賁所建欲俾遊者至此不必齋糧也由  
廳前折而東鑿石爲道廣不滿尺橫于山腹者一里許  
將折而止則條石爲階凡九十九級上至平處行百餘  
步復有階如前級差少自其上折平而南有石堂東向  
方廣五丈許名曰石經堂堂有几案鑪瓶之屬以祀三



寶皆石爲之其上天然如帳頂下則甃石以平其地三向之壁皆嵌以石刻佛經字體顛趙松雪意必元人所刻其中有四石柱柱之上各雕佛像數百皆爲小圓券而飾以金碧堂之前向爲石扉八扇可以啟閉外有露臺縱僅八尺橫與堂稱三面皆石闌設石几石床以爲遊入之所凭倚傍有禪房庖福之所皆因岩爲之不假人力堂之左有石洞二其右有石洞二復有二洞在堂之下方石經版分貯其中蓋隋沙門靜琬始以經刻未成而奄化唐貞觀後其徒道公等繼續成之至遼統和及金明昌之際有沙門留公順公亦增刻之前後納于

洞中者通千餘卷石凡七百餘條有石幢記其目甚悉每洞皆以石爲窓樞用鐵固之縱廣不可知而石本之近窓者可以窺見觀其字畫則遼金所刻與隋唐自異其左洞有靜琬貞觀八年碑記嵌于門上大意謂未來世佛法有難故刻此藏之以爲經本若世有經願毋撒開其用心亦可謂勤矣石洞之北有石池石井池廣七尺而深半之井深淺不可測則皆莹然涵虛可鑑毛髮井之北十餘步有泉自竇中出涓涓不絕又有石爲龍王像民禱雨則祀之古木蒼藤穆錯其上然陰翳慘澹不可久居由泉竇之南復攀緣小徑盤屈數十折至山



頂有五石臺臺之上皆有白石小浮圖其南二者乃唐  
金仙公主所建刻字如新餘無題識不可考頂有巨石  
後廣而前銳平出於虛空者數尺相傳謂之曝經臺余  
至其上回視四山則向之特立若書空之筆者皆隱然  
在履舄之下似可垂手撫摩稍臨石之銳處而俯視之  
則陡絕萬仞無有底止但見橫雲平凝其下悚然心悸  
鬼攄急趨還石旁以坐忽有青衣童子顛禮佛從師至  
爲予佛歌道舞舞童隨之擊鼗鼓鼓檀板品洞簫以和  
音響嘹唳上徹霄漢予不覺心神飄然若憑虛御風而  
出塵襟之表

黃金臺

余過易州客指黃金臺偕往視之土阜漫漶不可辨疑  
焉據史記昭王爲隗改築宮而師事之新序通鑑皆言  
築宮無臺字後漢孔文舉謂昭築臺以延隗梁任昉謂  
臺在幽州燕王故城中土人呼賢士臺亦爲招賢臺始  
有臺名而無黃金字李善引上谷郡圖經曰黃金臺在  
易水東南十八里昭王置千金其上以延天下士水經  
注云固安縣有黃金臺遺址沿久或訛而此地亦據圖  
經得名耳

孤竹山



幼侍先君子謂昌黎嘗與燕趙少年走馬古長城下縱  
觀竒阨險阻虜出沒往來隲境徘徊慨嘆欲問元順帝  
北道之道而當時故老皆無在者蓋天下之治久矣北  
覩大漠平沙漫漫草浩浩無人行跡令人有封狼胥繫單  
于之感當先帝休養華夷虜不敢少有問塞上何  
如事邊吏日持名籍軍門報諾歸卧無他事軍士往往  
抱稚子牧雞豚或挾弓矢獵狐兔爲樂南有孤竹山攜  
椒漿瀉石上歌西山之章思起竹君二子者與之游而  
不可得涕泗交頤竟悵然而返時走碣石最高峰西望  
連巖邃谷大麓多虎豹熊羆所伏游東則大海浩渺與  
天無際隱隱數鳧鷗泛泊洪濤浸中茲其有滄流灑  
挾日月跨虬螭招之倘來相與共遊入極之表者乎

爰山史山

禦覽地四平無山其東北六十里有小山曰爰山山田  
爰道人得名爰山之東曰史山予由大溪北折而東度  
陌越阡至爰山之趾居人四五家皆棘樊荆扉雞犬相  
應彷彿桃源中雲氣相盪不啻魚游波濤中山回路盡  
有石巖然壁立者即爰道人戶解處其巔有小石突怒  
土中顛併筍者有盤互顛木走長根者

三關諸山



余復魏之三日東北走九百餘里謁易州受策制真定之龍泉故諸關當以九月迫傳羽行隘歸先龍泉以下日暮抵曲陽五鼓起有寒色道謁北嶽廟廟幾割城之半古樹遮雲蟠鬱以百數門有卧石白而潤曰嶽所飛石據以祀者余猶記孝廟時馬端肅公上言嶽故在渾源州則當從渾源以祀而倪文毅公在禮部不能從說者以爲恨且謂石晉棄茲嶽于契丹宋不能復而托辭於飛石以文其陋然真定在漢爲常山郡卽恒山也讀壁間李克用題石其廟貌著於唐固不自宋始姑闕之以俟考出城稍西北行望層山鬱浮氳不知其幾千百遠若銀城一帶土人云五臺山雪也豈夜所謂寒色者其時雪耶山距邑二百里而遙他山不爲雪五臺獨爲雪可想矣又數里得大溪幾半里流水淙淙第淺可揭云此所謂龍泉從五臺而下者也又數里稍入山山皆合中圻而爲前大溪行左傍溪而右阻山溪嚙山之足半武則左擔而過嚙之旣則就揭如是者百二十里大抵山稍避溪則爲廬舍又稍避溪則一二見田疇最後避稍寬遂爲縣曰阜平阜平四塞南門外可二百餘家城中僅二十家耳十二日早發阜平復渡前大溪循溪而行五里許轉山之別陁與溪別復得泉近諸山所漚



也泉時錯道而流鳴咽多悽聲道益以上益險峻時時見人家石田瘠薄然亦可耕踰三十里得嶺曰鞍子過嶺山始舒而闊其下泉縱橫流不復辨南北然別取道山背而下歸大溪耳龍泉諸峰蒼翠始若滴五臺雪近則若玉几已又得一嶺縈紆而進兩山旋慙其蒼翠色欲交石嶺峯怒起峯鏗刺天左嶺微寬竒石爲橐駝爲狻猊爲人若鳥者間突出若搏粟紅揪黃雜以綠樹綴壁皆綺綉俄復得所謂龍泉激石間崧崢異聲石純曰大小如玉蓋自鞍子嶺又四十里始得關度關而下十餘里曰長城嶺城之蓋塞五臺所入道也歸取月行峻滑間顛踣者數二鼓絕抵縣因甚十三日早發阜平將之平山復渡前大溪始得實疇不五里復入山山不能當龍泉險然時蛇行上數百步忽然墜空而下爲深谷則頗寬如是者再三若曲項甕也泉處處有之時拂石流則最勞以故人食之病瘳始余過曲陽人瘳十而三抵阜平瘳十而五上龍泉瘳十而六七至是十不能不一瘳矣三十五里得溫泉左室爲一湯右一湯稍熱清瑩可鑑毛髮不作疏黃息石無響故也寂寂空山中令蓮花湯笑人宿查頭集集靈壽界也十四日晨發大霧顧山左右闊若决吾皆而朗者輿足下捷久之復得一



山傍據大溪流極駛山自是坦陀不甚峻八十里抵平  
山宿未至八里爲澤沱河晉之材順流而下至真定乃  
卷十五日發平山十餘里渡一河山足白雲四起若鋪  
綿稍逼之則蓬沓霧散自是雖上下山道不知險將抵  
井陘循大溪而行巨石如砥午遂踰井陘入故關所  
繇入山西大道也兩山夾之皆陂陀漸上三十餘里乃  
抵關山近關而峻亦時得奇石渡關右折與道異蓋余  
所按歷者拒虜攔入境耳循牆上益峻不可輿至其巔  
則中外諸山皆在目蒼嶺千疊時與雲相浮沉銀浪風  
勇尚况無際久之乃下馬足駭駭時自思天以淮陰侯授

成安君而不取爲千古趙氏恨然淮陰好用秘能以  
聖渡而虜豹山背逶迤徑千里安知其不能爲陰平維  
也復至故關異道折而左二十里取娘子關道崎嶇甚  
中一嶺爲劔脊壑兩其輔目眩心悸將抵關廬舍頗稍  
密流泉竦崢行齊厨間有水碓水磨之屬意甚樂之關  
傍爲巨澗其北漚可容萬人水東入岷左岷峭壁數百  
仞右岷崩岸若劈中巨石爲象馬索駝者不可勝計奮  
與泉鬪礮礮鏗礮間入鼓節還縣復可三十里皆傍泉  
泉極冬不水云此溫泉也可以和餌凡十餘涉蓋泉在  
兩山間山左盡則涉右右盡則涉左泉得山則怒而出



益險山險而泉益怒則益勝吾足與日顛若妬者足少  
 緩覺自無奇而足若枳矣石壁中為竇為輿為困廬為  
 若舟水之聲為筆筆為鉦為松風為歌為市人喧百千  
 狀故非故關擬也余時憊強自勵稱快乃還井陘夫此  
 三關所受為趙守耳龍泉稍近虜則最險故次險則又  
 遠虜勢必不入也虜入晉則掠晉安為舍晉事此不毛  
 志必不入也虜掠晉而飽其裝重馬則已疲矣力必不  
 入也虜不入而魏虛為之守是趙以虛名予魏也虜不  
 入而趙復得魏使者兩主矣何所受指揮兩應則疲兩  
 發則發是趙貫延魏敵也虜卒入而魏以虛名主之無

一卒自隨且東西隔三百里顧魏則失趙顧趙則失魏  
 是魏為趙代禍也故曰三關勿屬魏便

銀山鐵壁

南沙謂子曰銀山鐵壁去此不遠盍折北而去遂策馬  
 亟馳行六十里至鄧隱峰道場登八角亭東其有鐵崖  
 壁立石色瑩然頃之月出爛如銀界洗盞更酌夜分不  
 寐南沙曰隱峰傳中言鬼使不見隱峰何也子曰大脩  
 行人具六通鬼神但具五通故人能見鬼而鬼不見人  
 也南沙又曰鬼常見人而人不見鬼何也子曰常人有  
 障而鬼神無障也明日將拄杖登頂寺僧曰頂由闍王



鼻行僧住此十餘年亦不敢度子二人笑而不聽徑趨  
 鼻側山脊如刀背僅容一足長約十餘步兩旁如削下  
 臨萬仞不可凝視罡風吹衣足不能立子曰列子履萬  
 仞之險足二分垂外何如乃去鞢鞋跣坐徘徊取棋枰  
 對奕南沙忽推棋東行比子回顧渠已度鼻矣子亦側  
 身起立逐其武而東遂相與同登山頂子曰君無擬議  
 予無思量乃能至此向使擬議思量東瞻西顧則私意  
 起而反惑安能至此哉南沙曰士之立朝能以無擬議  
 思量之心行之何事不辦坐未有頃寺僧憑樵者送茶  
 飯各一錢樵者指長城外曰此為黃花鎮此為居庸關  
 又西為某關又東為某鎮皆在烟光微茫中萬里龍沙  
 風霾無際令人氣吞胡虜眼溢寰宇矣罡風稍定挺身  
 度鼻而回初無難者回入僧院崔都尉京山自外來曰  
 聞二公在此願得同游遂舉觴薦山簌坐月下談長城  
 險易京山問曰邊儲奈何南沙曰材力雄富則士馬精  
 妍今九邊蕭條軍士羸弱無怪虜來即跪而受刃也余  
 曰若鬻官及鹽法皆令輸粟實邊三年斯富強矣京曰  
 予忝宗臣如盲如聾願極言其詳庶斯游不空耳子曰  
 賚銀易於運米運米易於輓粟人所知也而必欲貴粟  
 者以其有九利也夫輓粟則車輛多往過來續常有百



萬輛在邊緩急可以聯作車城以禦侮一利也車輛多則騾畜多可以糞屯田益邊農變斥鹵爲沃壤三利也人畜多則邊人得賣芻草賃房舍易沙場爲閭閻二利也車輛多則人多則貿易多孳貨填委不見邊愁四利也粟價既貴則邊農日富屯田日闢五利也輸粟者衆主客雜居一遇有警各出智謀以爲我用六利也商賈既聚婚媾相卹各愛其身各護其家斯有固志七利也邊人既安土樂生則百工所萃器械不期利而自利城壘不期修而自脩八利也百金易懷斗粟難掩侵漁之患不杜而自絕九利也在漢文景之富強用此道也京山撫然曰不圖此游而得國謀也

### 龍山

是邦惟龍山爲絕勝自治城西南行十餘里抵山下無麓乍入谷未有奇泐溪曲折行數里草木漸秀潤疎出嶄然露芒角水聲鏘然鳴兩峰間心始異之又盤山行十餘里四山忽合若拱而提環而衛者佳木奇卉披之葱蒨穠郁風自木杪起紛披震蕩山與木若相顧而墜者使人神駭目眩又行數里得泉之泓澄滄溜者焉湫出石罅激而爲迅流者焉陰木蔭其巔幽草繚其趾賓欲休咸曰莫此地爲宜卽下馬披草踞石列坐又行十



里許大抵一峯一盤一溪一曲山勢益奇峭樹林益多杉  
檜栝栢而無他凡木也溪花種種金間玉錯芬香入鼻  
幽意可愛木蘿松鬣習人衣袖又縈紆行數里得岡之  
高遽陟而上馬力殆不能勝行茂林下又五里兩嶺若  
岐中得浮屠氏之居曰大雲寺有僧數輩來迎延入館  
於寺之東軒林巒樹石櫛立皆在几席之下憇過  
謁主僧英公相與陟西嶺過文殊巖巖前長杉數本挺  
立有磴懸焉下瞰無底之壑危峰怪石巖峴巧闢試一  
臨之毛骨森豎南望五臺諸峯若相聯絡無間斷西北  
而望峰豁而川明村墟井邑隱約微茫如奕棋局然倘  
狎者久之迴乃徑北嶺登萱草坡蓋龍山絕頂也嶺勢  
峻絕無路可躋步草而往深弱且滑甚攀條捫蘿疲極  
乃得登四望群木皆翠杉蒼檜凌雲千尺與山無窮此  
龍山勝槩之大全也

偏涼汀

太行西來數千里環帝都而東又數百里散一支南出  
爲平灤諸山灤河自塞外迤邐東南行入平灤境始益  
大去灤州城北三里許橫渡山下是爲偏涼汀汀處衆  
山間據川流之淮山之列其旁者若魯若岩若紫金尾  
嶺之屬參錯連亘後猊踞而龍蛇走其間林壑幽勝草



木葱菁水之經其下者若漆若沮若清水肥河之類下流胥會膏黛渟而綺縠張其間鳧翔集鱗族潛泳是誠一郡之奇觀也

黃榆馬嶺

余歷三關返邢之內丘宿晨由內丘出南門異道而行可四十里得陂陀土山又數里轉山足爲黃寺使者當屯所也署踞寺門而廬割寺三之一前伏泉如濟滙爲池中有亭亭折而右度嶺得大澗兩山夾之中流泉鏗然鳴巨石如象而黑者累累若下飲循澗可二十里徑村曰米花度米花村數里得一嶺始與泉左嶺益高忽下墜爲谷若井然山巔多土亡奇稍可以田忽蒼翠而聳出其背爲障數關可以架筆問之士人曰此所謂龍脊山也又穿一二嶺久之山益束而慙兩壁陡上數百仞竒石拳攫爭奮爲下輿猿接縈紆乃上步數頃又可十餘里山忽兩却而闢成巨壑可屯數萬人旁稍高阜居民廬之百餘家突起而壘者二其一寺據之其一曰宋家莊堡亦使者當屯所也堡距黃寺可六十里許其西北距黃榆嶺七十里而遙西距馬嶺五十里而遙西稍北距錦繡堂嶺四十里而遙堡綰之蓋走大路要道也余宿堡四鼓乘月起擬之黃榆行伍十餘里巔多大



澗雜石低昂土山余甚厭之以其勝不能當龍泉半而  
亡何度一嶺稍下山四却而關其圓若規道欲絕者徐  
睨前旌旗如左元放破壁而入迫之得一間道僅容馬  
崖造天石色秀削大古水聲淙淙不斷蹙沸泡起中石  
輒韻旋轉十餘折仰視天亦隨而迂迴者色或青或蒼  
或赤以山映之故泉益雄石益爭勝中有偃石從欬丈  
許衡半之其潤可以碑過半里許始出峽崖復稍稍闢  
矣遙望右崖際天直走而西上爲連城自然睥睨樓櫓  
懸壁千仞中忽有泉注而下爲柱得日若瓊得空若琉  
璃所得若白銀下飛瀑絕壁左崖爲道千折而上爲

關石奇秀萬狀余足數踏氣拂逆然時時心語龍泉勝  
乃不能當此半幾欲奪彼記語予之旣抵關肩峻靡而  
脇大壑不知幾百千仞關口一橫澗澗以橋而度也度  
折石上里許得山頂以爲山盡是矣旣登而西北望高  
倍徙者十者百者不可窮至目境盡而止信乎稱太行  
天下脊又云上黨者天與黨也歸宿宋家莊堡以當祀  
蠹還順德暫還大名又旬日復屯黃寺再之宋家庄乃  
上馬嶺馬嶺道近黃榆十之二三險半之饒水泉雜石爲  
足枳夕宿於關大風起轟殿若席捲三晉而東擲之海  
予卧石室中惴惴不能寐五鼓風息起閱西城關兩山



中斷若劈巨靈斧者下相參間不見底為橋道之甚西  
不可以旋馬蓋天險也已

太玄山圖



圖書編

卷五十九

三十一



山海經云北海幽都黑水出焉其上有玄丘之民  
 玄虎玄狐是為太玄之山有玄丘之民

圖書編卷之六十

南昌後學吉章清本清甫編

南直隸各郡諸名山總圖



圖書編

卷五十九



甘露景





三山圖











南直隸應天府山曰鍾山曰石頭龍盤虎踞是曰聚

上多細瑪巖石故名曰茅山句容三峰三茅君居第八洞天福地曰牛背二峯東對

指曰雙天關故攝山有草可以攝生故名天開巖在攝山棲霞寺後曰石

屋溧陽歐冶鑄劍于此芝山溧水上有李子洞泉出沸湧相去三百步名燕洞中有石燕遇雨則飛晴

則還落為石廣可容數千人曰定山江浦上有獅子峯下有達摩宴坐岩曰峨眉六曰

古蹟雨花臺梁雲光法師講經于此感天雨花故名

鳳陽府山曰萬歲在皇城北城垣經其上東西有二峰東曰日精西曰月華曰鳳凰

治曰荆山懷遠即古和採玉處曰塗山即禹會諸侯之所曰韭山曰華蓋

俱定曰鹿鳴虹曰八公壽州淝水之北淮水之南淮南王與八公學仙于此謝玄敗符

堅八公山曰大別霍丘曰北狼蒙城曰碧山泗州曰第一有米



帝三曰龜山

相傳禹水鎖洞神巫支初于此山足

北臨淮水山下有穴去水一丈雁曰冶山

曰磬石

靈壁繡谷 盱眙普濟院南白虎坡其石響洞

院後洞方圓丈

蘇州府山曰虎丘

府城西北山中有劍池千人坐石陳

吳王館娃宮故地舊志云下瞰大湖望洞庭兩山摘翠

臺諸勝景曰穹窿 府城西南舊傳赤松曰玄墓山

西商山峯四立林木葱鬱猜前一石屹立大湖中若畫屏

然山上有萬峯寺樓閣翬蜚湖光掩映亦其中佳處具

公山 府城西南山根有石如老翁不沒故名曰洞庭山

里大湖中一名包山漢書云下有穴洞潛行水底無所

不通號為地脉道書以為第九洞天內有昇聖村毛公

壇曰天平曰馬鞍 崑山孤峯時秀極目湖曰虞 常熟越

咸所居又傳虞雪井 在虞古蹟姑蘇臺

松江府山曰鳳凰 城北華亭有九峯為于山 吳于將鑄

名澱山 澱湖中其形四面如畫上有華亭谷 在崑山之

常州府山曰橫曰錫 慧山東峯也古銘云有錫曰慧 無

舊名九龍山 曰君 江陰以春曰荆南 宜曰張公洞 其門三面

辟惟正北一門可入嵌空邃碧有水散流石乳融結石

上有唐人題刻洞中又有燒香臺仙人房玄武石風土



記漢張道陵嘗善卷洞在國山東南洞有二曰乾洞曰

備道于此洞大小水洞舊經周幽王時洞忽

自開二有巨石形常如墮洞中寬廣可坐千人周圍峭

壁刻為佛像有石柱高丈餘號王柱唐張佑詩金函崇

寶藏王柱秘靈根會仙巖宜白鶴洞張公

鎮江府山曰北固曰金山此山大江環繞每大風四起

洞龍王池妙空巖善財石山勢若浮動名浮玉山有裴公

後有孤峯鵬棲其上曰鵬山此故名旁有海門

二山金焦相望十相傳梁昭明太子讀書于此

五里有羅漢岩石案尚存下有招隱寺寺內

有虎跑鹿跑真珠三泉及玉葉亭曰繡毬冊曰大伾金古蹟妙高臺在

山

楊州府山曰甘泉城西北曰城子儀曰孤泰曰神居高

曰昭陽興曰雲山寶曰天目泰曰摩訶如曰狼通

淮安府山曰鉢池曰韓山沐陽信通曰胸山皇東巡

曰孔望海州孔子問曰羽山海州殛鯀處禹貢曰葛嶧

邳州禹貢嶧曰磬石泗濱浮曰馬陵宿曰仙掌羅古蹟

田橫國小甬山壘石為城漢初田地橋張良素書處

廬州府山曰雞鳴肥水曰四頂山俯瞰巢湖上有四峰

曰浮槎城東俗傳自海上浮來昔有梵龍穴山上有張

曰龍眠舒城形曰治父廬曰紫芝無曰卧牛巢父詩

金庭即道書第十八福地王子喬登仙處上有曰武陟

六曰霍山霍山漢武帝南巡至盛唐以南嶽衡山遠乃

安曰霍山移嶽神于霍山祀焉山頂有天池龍秋風洞

嶽井試心石凌霄樹又有綠水池雖旱不乾潦不溢一名衡山曰英山英



安慶府山曰大龍曰盛唐

桐城漢武作歌

曰潛山

一名皖伯臺上有三峯二

岩四洞二池山與皖公天柱三峯鼎峙層巒疊嶂為長淮之捍蔽焉

曰天柱

俱潛山與潛山連其峰最

高曰三祖山

梁誌公隱居于此有唐僧三祖禪師塔

曰白雲曰司空

俱太湖相

傳釋氏二祖傳三祖衣鉢在此山極高峻山半有洗馬池

曰靈隱

宿松

曰小孤

江北岸孤峯秀

拔與南岸山對峙如門大江之水至此隘束而出其下深險可畏上有神女廟對彭浪磯故俗有小姑娘嫁彭郎

之曰麒麟曰鳳凰

俱望江

曰石牛洞

潛山兩石壁立洞口

闊五尺入內漸狹風從上出草木不生

太平府山曰白紵

本名楚山

曰龍山

府城南十里孟嘉落帽處

曰采石

李白

着宮袍泛舟于此

曰牛渚

温嶠燃犀即此

曰靈山

蕪湖

曰天門

府城西南山夾大

江東曰博望西曰梁山

曰鳳凰

繁昌

曰靜隱

山有五峯曰碧雲

曰文火

有山門連梁雲朝陽夕陽碧真帝浮丘煉

二十六涼



猿岩噴雲泉岩七磯 燕湖

寧國府山曰陵陽城內曰洪公國寧曰文脊有山門連倚紫雲朝陽夕陽碧

雲六 洞 曰水西涇 曰黃山太平縣南三十里黃帝浮丘陳

二十四溪十八洞八大嶠李太白詩黃山四千仞三十二蓮峯 曰華容旌德 曰石壁對起

清溪中流境 最爲奇絕 曰石柱 曰宮山南陵舊傳孔子嘗遊後人置石室 曰射的

山

池州府山曰齊在府城南三里山有十餘峯其高齊等故名又有妙空武功奇隱竇雲王柱有

待等岩九頂圓頂華蓋蓮子左史石虎等洞極爲 曰九

華青陽 曰中峰衆峰環列而此峯居中上瞻日月 曰五

松桐 曰金城石 曰博陽建德 曰歷山東流西枕 曰半巖在

上之... 山門連倚紫雲朝陽夕陽碧



山大小泉凡十  
一而半巖為勝

徽州府山曰烏聊城內曰黃山即前曰松蘿休寧曰白嶽中

獨聳旁有懸崖小徑可憑而上絕頂有池池西有石室  
東北有五彩石壁狀若樓臺有飛動之勢學仙者多居  
石室

曰大鱸源曰初山初曰林歷黟曰石照績溪石高

鑑齊雲巖在白岳靈岩洞在婺源縣西北一百二十里

洞巖竇皆五色兩崖上有鸞鶴雲霞之象芝田靈草羅  
列左右西曰蓮花洞洞有大石室刻石像旁有羽蓋播  
嶺南曰含虛洞洞有二重外芙蓉嶺婺源有五嶺極高

徑內平有積雪臺及沉香岑峻而芙蓉嶺尤為

特峻

廣德州山曰橫山曰石婦衆山環繞中一峯獨高峯之

謝氏女介潔有守登山化為石藤蘿薜蘿蔦  
縈繞其上如衣被之象樵者莫敢採云

靈山泉石

一有文殊岩普賢臺雜漢洞山水合流而出淮于丁公  
渾遲迤數里前後有巨石平廣數十丈流瀑垂其上望  
之如織大洞廣數丈不可測游者秉燭而入有石燕

機然群飛乳石滴瀝神人佛像棋盤鍾磬之屬

皆白石天成其東曰建牙伍牙建

洞水深不可入

和州山曰梁山城曰雞龍以形而名道書褒禪山在縣

有起雲峯龍洞羅漢含山縣北上有二洞前洞

洞龍女泉白龜泉遊者甚眾後洞獨王安石

遊焉濡湏山含山縣西南與無為州七寶山堂峙中有

有記石梁鑿石通流山水險阻下為控扼之雄

吳據其北築塢以拒魏號濡湏塢魏據其南為關以之  
備兵蜀號東關宋孝祥詩二開形勝千年壯即此

滁州山曰琅琊州城南晉琅琊王嘗駐此因名其山谷

出兩峯間曰南岡全曰石固來龍盤州城南上有虎上

刻為醜泉側皆峭刻壁



徐州山曰彭城

東州

楚王山

山下有楚元王墓皆赭土禹貢徐州厥貢惟土五色後王

莽使徐州歲貢五色土卽此山也

桓山

山下有桓雅墓故名蘇軾遊桓山有記

徐山

周穆王命

楚伐徐偃王敗北走

呂梁山

下有一洪上有雲夢梁王一城

彭城武源山卽此

九里山

東西連亘九九里相傳有穴普通琅琊王

時常隱于山上有雲氣

象山

韓信伏兵與楚戰卽其地上

盤馬山

頂平無草木漢高祖

屋

子房山

世傳子房隱此又謂子房作楚歌散羽兵處

龍山

上有放鶴亭蘇軾有記

戲馬臺

項羽因山築臺以觀戲馬後宋公劉裕九日登臺謝靈運賦詩

廟山

蕭縣白土卽此

戚山

沛縣鎮

微山

沛縣東南

卽此

東華

豐縣北周

吃五洞各幽勝

鍾山一名金陵山漢末秣陵尉蔣子文逐賊死山下太

帝封蔣侯大帝祖諱鍾又更名蔣山實作楊都之鎮諸

葛亮所謂鍾山龍蟠是也

金陵諸山

凡過後湖必出大平門命舟行可七八里許一望渺漫

光映上下微風播揚文漪幸與蕩漾烟波之上莫不情

暢神爽若遊仙焉余間立四顧其差我嘗漢之表王氣

鬱葱而峙乎東南者鍾山也疊連如屏如幃在西北者

幕府山也巒嶺偃蹇盤伏於地而松森其上者覆舟山

也挺拔而凸出城頭殿閣參差浮屠聳空者鷄鳴山也



東西一帶列如懸榜者世傳臺城也峻嶒冒水而出者  
島嶼也傍視三法司隱隱錯落雲水之湄重岡疊阜遙  
連於其外巋然而鸞鳳峙騰然而蛟龍走矣

牛渚山

山在當塗縣北三十里山下有磯古津渡也與和州橫  
江陵相對隋師伐陳賀若弼從此北渡六朝以來爲屯  
戍之地輿地志牛渚山昔有人潛行云此處通洞庭傍  
達無底見金牛狀異乃怪而出

牛首山

金陵多佳山牛首爲最山據城之南初名牛頭以雙峰  
並峙若牛角然佛書謂江表牛頭是也晉王道嘗指曰  
此天闕也又名天闕山出鳳臺門南行十五里至塘灣  
又南行十里度嶺又三里抵山舍西上二里達弘閣寺  
門內二井左曰白龜池右曰虎豹泉至其顛經修廊東  
行緣石魚貫上登觀音閣再上間有捨身臺及辟支佛  
足跡至下地窳巖空洞上突出如屋至文殊洞旣而登  
山之背觀蕭昭池飲池池徑可丈餘冬夏不涸下而西  
至辟支洞廣差文殊石浮圖立其前辟支舍利所藏處  
也出寺而南山路陡絕二里至獻花岩石益奇麗中虛  
深可十步儼如堂宇相傳唐高僧顛融嘗居其中有百



鳥獻花之異若因以名今名華巖巖之南曰屯雲亭又  
 南曰芙蓉閣閣嵌岩石登其上群峯攢蹙悉在目睫山  
 之最佳處也北下僧廬扁曰無邊風月可坐眺遠又下  
 有軒曰無塵又二里出山沿河入谷入區而西  
 又廬龍山  
 山在儀鳳門內與獅子山相連蜿蜒而東故名廬龍山  
 山阿有道觀因山之名山憑城瞰大江抱都邑崔嵬兀  
 起實魏龍江之險由臺字傍一徑叢樹環遶而上至其  
 巔則平脊回拱去江咫尺林木中江影掩映可愛

高皇帝嘗登其上建閣江樓命學士宋濂記之後復

親製記一篇今樓已毀故址尚存山之西下都城之外  
 有天妃宮靜海寺亦山之麓形勢奇偉有觀靜閣毘盧  
 閣前有石磊珂岩穴相貫

攝山

山出都城北經將山廟東行出姚坊門三十里入山後  
 有田疇平野度石橋而東復入山古檜長松連抱夾路  
 至棲霞寺寺殿宇皆古制殿後有石浮圖數丈極精巧  
 山千巖盤繞隨處皆鑿釋像于中飾以金碧名千佛嶺  
 山多藥草可以攝生故名山之頂極衆山之高下視江  
 水如帶左龍江右龍潭前瓜步真州金焦二山如塊石



在江中南登臨奇壯之勝叢林之古無踰于此

塗山

臨濠古跡唯塗荆二山最著圖經塗山在昔鍾離縣西九十五里荆山亦在縣西八十三里二山本相聯屬而淮水繞荆山之背神禹鑿開使水流二山間其疏鑿之蹤具在故人思其功迄今弗能忘二山見諸載記者其說多乖舛以塗山言之春秋左氏傳云禹會諸侯於塗山杜預注云在壽春縣東北說者云今濠州是也國語史記則又云禹會諸侯於會稽亦有塗山吳越春秋亦以

塗山在會稽又燕載塗山之歌應邵云塗山在永興此說者云今會稽蕭山縣是也是一說已不能歸於一致

矣至於蘇鶚演義又云塗山有四一會稽二渝州三濠州四當塗然其處皆有禹跡或者遂謂禹之治水固常徧歷宇內而會諸侯實在會稽之塗山柳子厚塗山銘蘇子瞻子田塗山詩指在濠州者皆非是漁之存疑未決者一也以荆山言之荆山楚山也楚之先王熊繹僻在荆山筭路籃縷以處草莽傳至成王始盛又七傳至昭王始遷都郢昭王有言曰自吾先王受封望不過江漢河非所獲罪則楚之封疆可知郢卽今江陵其地有荆山一名景山荆故楚號也有之誠宜世則謂在濠州



濠州古鍾離子國與壽春密邇楚自昭王之後又歷十  
一傳至考烈王始徙都壽春韓非子所載卞和獻玉事  
乃在厲武文三王之際昭王上接武王已越十世當三  
王時鍾離何嘗屬楚而強謂卞和至此山耶新序又謂  
抱玉而泣在共王之時雜記又謂在懷王及其子平王  
之時平王乃昭王之父下距懷王九世共王上至武王  
亦六世何至顛倒錯亂如是耶漁之存疑未決者二也  
必欲可信塗山當稽之左氏以壽春爲正荆山當證諸  
史傳以江陵爲正有謂塗山氏乃故國名禹會娶其女  
者別是一說與此殊不相涉也

### 虎丘山

山在城西北九里又名海湧山遙望平田中一小丘越  
絕書吳王闔閭葬虎丘山下發五都之士十萬人共治  
塋穿土爲川積壤爲丘池廣六十步水深一丈五尺銅  
棺三重傾池六尺黃金珠玉爲鳧鴈扁諸之劍魚腸之  
干在焉

### 靈巖山

山卽古硯石山吳縣圖經云在縣西二十里亦名石鼓  
山越絕書云吳人於硯石山館娃宮又云硯石去姑蘇  
山十里闔廬養越美人於此上有兩湖吳越春秋云闔



廬城西有山號硯山高三百六十丈去人烟三里去吳縣西三十里上有吳館娃宮董覽吳地記云吳王離宮在石鼓山越獻西施於此有琴臺在其上續圖經云硯石山西有石鼓故以爲名山頂有三池一曰月池一曰硯池一曰翫華池雖早不竭蓋吳時所鑿也山上舊有響屨廊其下有石室今存俗傳吳王囚范蠡之地又有巖村其山出石可以爲硯蓋硯之名由此也吳郡志云登山見大湖諸山在銀濤中亦宇內絕景

山皖山

在懷寧西十里皖伯始封之地漢地理志與潛山天柱

峯相連三峯昂峙登嶂重巒拒雲槩日登陟無由東有激水冬夏懸流狀如瀑布丁有九井有一石床可容百人五里至三祖寺每歲夏仲有龍水洗塔

茅山

山有三峯崑高者爲大茅峯草被之其綠如黛而茂樹清泉復相映帶遂疾行上山二里至崇禧萬壽宮其東西楚王濶自華陽洞西三水合流趨宮之前相傳昔楚威王游憇於是沈靈宮清綠率道士出迓宮蓋梁陶貞白華陽下館入門有崇臺三級秋苑石堅緻名拜章臺宋徽宗時物宮又有陶貞白及王遠知祠遠知貞白弟子其



教所謂正法主是也出宮東行折而南約五里許皆石級躋陟頗艱輿非挽不得上里許舍輿而徒經朝山亭復上懋半山土地祠峯至是登已四里去巔不遠殆不止於半也又上緣崖而行道益峻險金壇諸山遠列雲霧竦慄不暇顧隨行函童爲道士各持瓦數片謂可以護福雀躍而至若角捷者予哂之戒毋失足一里聖祐觀據峯之巔大茅君升仙處也觀北稍上平石爲天市壇道士云未樂中於此五堊玉簡左稍下則龍池也池不甚廣小黑龍十數游其中取視之長僅三寸昂首四足目睛爛然腹有丹書而無牝牡蓋蜥蜴類也宋祥符間嘗遣使醮祭緘二龍於器將獻之闕下中道風雨惟存其一御製詩送之還山洪武中亦命取入宮五失其四每歲旱禱雨輒應今與山之神同著祀典重午日祀山神而龍則以鷺鵞皆縣官親祀下東北半里閱喜客泉甃以石圓徑丈深可半尋衆鼓掌卽湧沸津津如散珠否則湛然山復有撫掌泉在昭明讀書臺下與此泉同誠異蹟也涉澗東折數百步二碑屹立草中其一宋景祐間賜觀額勅牒其一晏元獻五雲觀記又東百步至華陽洞道家書謂三十六洞之八周百五十里名金壇華陽之天上巨巖如削有華陽洞三大字旁多昔人



題名洞舊塞於泥近道士通之外兩石相拒狀如掀唇  
後人累甃爲垣以防失足而復亭其上以俟游者自其  
左循右級俯首而入巖泉點滴下多積水數丈泥仍塞  
不可以前蓋洞有五門此南面之西便門也洞又東下  
數百步有石柱洞口偏仄容僅一人予疲不能入東北  
道多亂石經仙人洞西折歷馬迎街度石梁上元符萬  
壽宮宮陶貞白故宅中亦有拜草臺堅緻不逮宗禧臺  
之右二碑刻宋理宗聖德仁祐之殿六大字并前元賜  
印劍環山省劄登方丈茅峰當其前還宗禧已暝沈靈  
宮開宴言歲庚戌三月之望辰刻三茅君現形大茅峯  
西足躡祥雲金火九繞身食頃而散見者幾百人或曰茅  
君現形其衣皆雲氣所爲無眉目也夜深宿方丈左室  
聞窗外聲澎湃泐滂飄忽颺激如秋江怒濤又如大將  
之師萬馬奔騰千里驟至予意是日熱必大雨虞其妨  
游攬衣起徐耳之蓋松風云山空人寂境乃如是宜陶  
真白之愛聽也癸卯經茅君殿借至方丈觀宋徽宗賜  
元符宗師王印方三寸許其色蒼潤文曰九老仙都君  
印篆刻精妙非今人可及元符有法劍一亦徽宗所賜  
二物皆鎮山之寶也出山一里入崇禧觀其右王法主  
墓攝衣欲登而阻於行潦墓前二石表猶是唐物與今



之製絕異左表中斷道士續以新石北新幾三里有古  
松千株殿角出其中者祠宇宮也宮祠三茅君道祖有  
唐刻石北折五里草際遺斷碑一石年二其一年已無  
首碑字大數寸其僅存者云宗玄羽教陶隱君處劍之  
地上數百步拜貞白墓敗垣荒草上老樹欲壓元劉宗  
師大彬刻石表之一里至王晨觀即所謂金陵地肺天  
下第一福地者也東晉陽羲許長史父子竝於此得道  
其前池曰雷平真誥謂昔雷氏養龍之所後人譌爲郭  
真人養龍池非也池之南爲伏龍岡上有唐玄靜先生  
李含光墓不及登觀門列石古檜十四傳爲許長史手  
植大逾合抱紋皆左紐若出人力此可以觀造化之巧  
近一株瘁人割其皮以去道士云左紐檜不止是一  
殿前凡六老君殿前凡二藏殿茅君殿後皆有其一子  
平生見樹之奇古者惟常熟之七星檜錢塘之九里松  
及此而已七星檜植于梁九里松植于唐壽成遂左紐  
下視宋元之木直孫曾耳觀東檜下有古井石闕刻字  
已半漫剥摹讀數四逆之以意始辨其字云晉許真人  
丹井梁天監十四年重開十六年安闕今道士呼爲陶  
公丹井豈以其重開而誤耶觀之兩廡及庭古碑二十  
有五其間梁刻者一唐刻者六南唐刻者二予所最愛



則陶貞白許長史碑顏魯公玄靜先生碑暨李陽水篆  
餘皆宋刻不能悉讀登白馬老君殿前有周真人池其  
水已涸老君象後龕仙人展上公像山志稱上公高辛  
時人不知其何據劉大彬題板謂因漢象增飾之亦未  
必然也午飲方丈聞法堂東有陰陽井亟觀之井二穴  
而共一水以其氣分寒燠故名道士云此許長史舊迹  
飲之可以愈疾

齊山

昔人有言九華可玩而不可登齊山可登而不可玩言

是山奇秀極而不外露也乃九月之三日小君約遊遂  
入齊山寺始登玩月樓有郡人張侍御所爲記稍折而

東寺僧引觀仙人跡跡巨而且長紋劃顯然歷雲樽及  
穿石竇路甚險隘相與捫蘿緣磔蜿蜒而上升翠微亭  
則林木森蔽禽鳥飛鳴迴視下界真已隔塵世矣俄臨  
九頃洞品一人泉又百步許陟小九華則群石森立高  
下參差其數與九華等故以九華名少憇振衣亭直上  
望天門則石耳諸山歷歷如指掌已而由招隱岩南越  
上青岩中有巒石塞道且草莽秦塞難於登陟命輿入  
芟草剔石石骨立見形如抱磬陟岩之右經壽字岩仰  
視宋張時脩所刻壽字不夾毫髮須臾轉蕉筆岩南至



妙空岩穹然空隆乳溜凝結紺翠蒼綠潤如過雨妙空  
西上爲石鼓洞洞有石旁出如肺肝懸壁擊之鬻然遠  
聞可諧絃管傍有一石相去尺許其形與前石無異擊  
之若稿木竟不知造化之逞奇於泉石若此也又西爲  
仙人橋廣僅咫尺長五之並跨兩崖屬理渾然不假人  
力維是三者爲齊山最勝後至二奇亭因問所以得名  
曰卽前石鼓洞仙人橋妙空岩三者是也冥罷欲返三  
泉子曰去此山折而東百步許北有華蓋洞洞口石峙  
如門其中豁然上頁如蓋下平若砥可容坐數十人洞  
形九旋由大而漸入于小如螺尾然今之華蓋殿卽此  
製也

### 善權洞

由浹浦泛大洞抵宜興又六十里至善權寺寺在國山  
東始于南齊建元蓋祝英臺之故宅也門有榜曰龍巖  
福地行松間數百步泉上有亭翼然曰湧金小憇久之  
遂入寺寺唐大中十年七月所建柱礎刻字猶存計年  
已歷千載有餘矣因名曰唐殿其制與今絕異殿之四  
正柱凡用斗拱者二以矮柱接而長之至柱中用板鋪  
甃如迴廊可旋繞諸所染色千年如新丹青炫目不知  
何故僧云自建寺至今棟宇絕無塵埃與蛛網粘帶相



傳魯公輸子所構故顯其異云傳皆創殿時雷震其處  
柱有字者凡三一曰詩來漢一曰謝鈞計皆倒書大可  
徑尺非隸深入木裡或謂三者皆雷神之名不可曉也  
正統周文襄來游見之戲命削謝鈞計三字隨削而字  
隨入文襄異之乃止今柱上削處猶窪鄉民恒摹榻以  
去云佩之可以愈疾亂之後寺石離立泉交流其間數  
十步至小水洞上飛品突出巉峻可二十仞而大石翼  
其左右其中有竇形類偃月深莫可測水由是出客投  
以尾石輒關然鳴季司空碑謂微時親見白龍騰出洞  
中蓋龍穴云水出洞潛行石下百步乃見其一南注經  
寺之鍾樓一東流至于寺門一自湧金亭南下與泉流  
淮至王帶橋入於溪鄉之人資灌田甚利復由平地登  
山計二里許西北循石磴而上至乾洞右崖有刻字曰  
仙李巖下小洞如甃覘之無所見洞左峭壁百尺一古  
木葉顛榆枋根緣壁下垂附石而出復產枝葉人不知  
其根也前有一石蹲踞爲洞之主峰左白象右青獅相  
向而立象之形垂而獅之形則昂以炬蠟照之中有玉  
柱高可丈餘大六圍下圓而上銳充潔如玉卽唐張承  
吉所謂玉柱闕靈根者也石之白而方者高下井井儼  
如經畫曰仙人田湑水尺許冬夏不枯洞北有丹竈可



容三釜竈之後倚壁一石石上特伸一手巨而且長色  
白如粉指甲宛然曰未堆曰鹽堆以形似名南有仙床  
倚壁如今僧之禪床石色皆青紅黃白相錯復緣石蹬  
而下凡數百級則大水洞在焉水勢迅奔而其流由外  
而入于小水洞而止聲如轟雷且不盈溢不知其何受  
而何泄也由洞而進右一長石直亘于中左之長亘者  
此右稍狹若爲洞之第二門予自外窺內洞益高水益  
深左右石皆碧色如肝肺倒垂者以四五百計聯屬不  
絕二洞上下相承不爽尺寸如巍樓然亦天下一奇絕  
也乾洞前有九斗壇山有九峯如覆斗故名梁武帝禱  
兩輒應寺之西名國山山巔有封禪碑乃具孫浩天  
離墨山空石石長十丈餘無故自立因封禪之侈以爲  
瑞寺之後有三生堂唐李嶺宋李剛李曾伯一姓兩皆  
位至宰相沈石田詩所謂一姓轉身三宰相者也堂右  
偏石室刻碧鮮庵三大字李曾伯所書乃祝英臺讀書  
處與梁山伯同事筆硯者舊有偃栢在寺前如卧龍今  
已腐爛滅跡矣寺門西有玉帶橋唐李丞相舍玉帶而  
建者又名勝義橋李曾伯書扁寺前有龍巖亭予先憇  
于此扁亦李曾伯所書也夷考洞之得名則善卷者卽  
舜讓天下與善卷而不受逃之深山謂洞名以此予品



張公善卷二洞張之綺麗雖不亞善卷第卑濕而狹善  
卷則有張公之奇巧而雄偉高爽過之

張公洞

游善卷之明日思爲張公洞之游舟遂經東溪風逆甚  
四十里至湖汶鎮微雨予興不可遏乘肩輿冒雨東南  
行群山在目蒼翠可挹五里避雨天申宮宮舊名洞靈  
觀嘗有後唐明宗題榜及南唐韓熙載撰碑今皆不存  
而殿宇亦已傾圮所存惟三星石門而已湏臾雨霽道  
士隨予南行至顧山舍輿而登路多草莽約半里抵張  
公洞道王云唐仙人張果得道之所予嘗覽問處風土

記謂漢張道陵脩仙于此而郭景純亦稱陽羨有張公  
洞則知名洞始于道陵不以果也洞向西北其周五里  
脣有石相距丈許又一石橫亘宛若門闕俯身從石經  
南下數十步上皆飛巖峭壁嵌空邃深駭人心目莫敢  
端視予足弱附石小憩盤旋而下又數百步洞益空豁  
石壁三面儼如堂宇其通明處可方數丈謂之天窓雜  
樹蒙翳天光下垂傳爲吳赤烏中震霆所劈上石孔萬  
株異形詭狀不可摹繪時有泉下滴人默承之出洞水  
索如故稍有言其滴處遂痕歸必浣滌亦甚異也中一  
臺崇二三丈面可坐百人宋縣令趙伯津築以白游者坐



飲久之俯瞰冥宵足不能措命童子秉炬先後扶携而  
 下臺南石刻張公洞福地五字道書謂天下福地七十  
 有二此其五十八也臺之下怪石紛錯欹者倚斲而出  
 者却而後者顛而欲仆者拔而起者橫理者端莊而拱  
 者偃者夷者將斷而復續者與石乳皆蒼綠一色傳染  
 不逮又有如笋之植如鳳之騫如獸之怒而走雞而噬  
 蓋洞之妙至此咸粹而游者亦多止是洞西壁斜裂下  
 多亂石其東一穴顛洞而小人不取入正南壁下其深  
 黑處云可通後洞出洞半里東折觀後洞門石頗隘子  
 疲不能入又東南數百步會仙巖孤峰側立數仞橫  
 理若鑿道土言昔有人見一叟倚石遜形而入因以  
 巖其下空洞有泉出焉自右而趨得得冇聲極可聽一  
 斷碑橫卧草際乃元延祐四年重修會仙亭記

大洞

由合溪七十里入道院傾圯殊甚望之洞口呀然予以  
 日尚未暮命童子持炬并燭而入之僅數十步而止奇  
 偉異常不覺喜愕交并是夜大雨如注早起視之日光  
 燦爛山樹如沐飯畢復持炬入洞口洞口如大厦四五  
 間可容千人石乳融結四壁纍垂若峰房鶴膝純白如  
 玉青苔蕨蘚雜然成章日光射洞五色如繪迴光返射



又如大綠金相非人世所有左之北白石下垂又一石直下與下石聯屬如柱透漏奇瑰形如鰲足其下平地以大石撞之轟然有聲名曰石鼓進五十步稍北則橫亘如列屏然若與外隔絕中用白石塑觀音像以祀之乃州守鍾其所立細玩之其文理縱橫形如今之泥塑佛座者至此遂分爲二矣由西入則又弘敞若樓臺狀石皆削平又進則高而且窪如螺尾由漸而小西石壁有咸淳年號題名墨染如新中有仙田大小十二頃疆畧斬然如受巧匠施工又進則一洞平削光若黑漆有白石結縷如雲而成象者有鍾之懸者有磬之覆者有垂石連者又如白布數十疋絞成下垂而文理燦然者有白石蹲踞名曰鹽堆堆之北有一石如人名曰賣鹽老左石中央一白石長可七八尺由大而尖如人舌特伸于外其上皆結成龍形首尾交互雜見者三四有龍石山人題云地肺開天竅行行入洞玄片雲孤鶴下誰見此中仙復大書靈洞二字循此深入里許懸石噴雪勢欲飛墮又進則石壁橫塞已若無路止一小竇旋折尺餘如車硤僅可容一人名曰銅關石橋橫亘于上非跣足偃僂不可入予與不可遏令二童子涉之則水深及腰道人曰惟久旱則無水可入某嘗入其內則宛然



一方丈四面純白色間桃紅若脂膏玉如雉雞斑絢爛奪目昔年題味滿壁一石垂下曰石磬一石如練躡尾倒捲曰珍珠簾其左最深處爲大雪洞右曰小雪洞比大洞尤高而深邃不及愈入愈深土人云可通大湖昔好事者又深入十里沉黑巉呀疑爲罔象所遊蓋不知其所窮矣予聞之怏怏乃秉炬而返道人曰關外有一西洞洞口有橋橫亘如銅關水聲潺潺名曰仙橋高約五尺轉折一窩曰燕巢一壁方徑惟餘桂字無年月可記不知何時其廣一丈有奇深可二百丈高可一丈進數步石罅中特出一白石下垂亦如前鰲足狀石之下垂若成雲者若肝聯者若肺附者若覆鍾者懸磬者似田又一二畦其規模愈小其景愈奇不可彈入遂出至洞口復命人以石擗地其聲如初真石鼓也予以東洞詢諸道人道人云相傳爲黃河洞非舟不可渡予命童子涉之云止深二尺餘遂命輿人以竹椅由水中行計其廣殺北三之二高若倍之進數十步則石形偃僂如人其色若甘草紋若未糝名曰米堆北復垂一石中分而上聯轉成一堆奇怪可駭轉而北則又如螺頂高可二十丈突生白色牛頭下垂者二鼻孔與角種種具存峭刻瑰譎乳膏融結千態萬狀此石崖愈奇岩下有



潭深不可測進八十步許爲龍潭可以行舟再轉則深  
暗無底不可入矣洞之南又一小洞深廣約四丈又一  
小景象也僅可容十人暖如曝日上下如砥可以開宴  
予所見洞天若華陽張公善卷及齊雲雖奇巧不忝而  
病于淺狹獨此洞如臺閣規模雄偉壯麗蕪而有之斯  
遊奇絕可冠平生矣恨生於深山僻壤遊客罕至惜哉  
予又恨銅關以北止于口傳不及目見又笑世人謂東  
洞如河觀者絕跡以見人言之不足信因題石上曰江  
南第一洞天

天平山

續經圖云天平山在縣西二十里巍然特高群峰拱揖  
吳之鎮山也山腹有亭亭側清泉冷冷不竭所謂白雲泉  
也自白樂天題以絕句名遂顯于世有卓筆峰巾子峰  
五丈峰石龜照湖鑑毛魚池大小石屋蓋因好事者得  
名吳郡志云此山在吳中最高聳高聳端正特立山  
皆奇石山半白雲泉亦爲吳中第一水廬志云山頂平  
正有望湖臺下有白雲寺宋叅政范魏公奏請賜名及  
公之先隴在焉姑蘇志云在支硎南里最多奇石今按  
此山峰巒峭拔石皆林立亦無樹藝由以賢達名也


支硎山



吳地記云支硎山在縣西十五里晉支遁嘗隱此山後  
 得道乘白馬升雲而去山中有寺號曰報恩梁武帝續  
 圖經云所謂南峰中峰皆其山別峰也今名楞伽山天  
 峰中峰二院建其旁蘇州志云平石為硎山有平石故  
 因支遁以支硎為號焉王篇吳有臨硎山即此是也其  
 石室寒泉乃道林盤桓之處姑蘇志云支硎山其南有  
 石門尤奇特

七十二峰

太湖之山發自天目迤邐至宜興入太湖融為諸山海  
 之西北為山十有四馬跡最大又東為山四十有一西  
 洞庭最大又東為山十有七東洞庭最大馬跡兩湖  
 望之渺然如世外即之茂林平野間巷井舍仙宮梵宇  
 星布棊列馬跡之北津里夫椒為大夫差敗越處也西  
 洞庭之與北渡者龜山橫山陰山秦餘長沙山為大長  
 沙之西衝山漫山為大東洞庭之東武山北則餘山西  
 南三山厥山澤山為大此其上亦有居人數百家或數  
 十家馬跡兩洞庭分峙湖中其餘諸山或遠或近若浮  
 若沉隱見出沒于波濤之間馬跡之西北有若積錢者  
 曰錢堆稍東曰大岬與錫山若連而斷舟行其中曰獨  
 山有若二良相向者曰東鴨西鴨中有三峰稍南大墮





小室與夫析相對而差小為小椒為拉圻范蠡所嘗止也西洞庭之北貢湖中有兩山曰近日大貢小貢有若五星聚曰五石浮曰茄浮曰思夫山有若兩鳥飛且止者曰南鳥北鳥其西兩山南北相對而不相見見即有風雷之異曰大雷小雷橫山之東曰干山紹山曰曠浮曰東嶽西嶽世傳吳主于此置男女二獄也其前為粥山云吳山飼囚者也有若琴者曰琴山若杵曰杵山曰大竹小竹與衝山近若物浮水面可見者曰長浮癩頭浮殿前浮與龜山相對而差小者為龜山有二女娟好相對曰謝姑有若立柱巖薛王柱稍却金庭其南為嶺山為歷耳中高而傍下者筆格驥首若遊者石蛇

老人立石公石蛇石公石最奇與龜山龜山南

曰龜山山傍有小龜若螺者青浮二龜之間若隱若見曰鷺藍東洞庭之南首銳而末岐者曰箭浮若屋歌者者曰翦帽有逸于前後追而及之者曰貓鼠有若碑碣橫者曰石碑是為七十二然其最大而名兩洞庭也

莫釐峯

成化戊戌行至法海仰見異峯寺僧進曰是所謂莫釐者也文振衣以升衆皆繼之或後或先或喘或顛至絕



頂而休焉天若為之寬地若為之闊西望吳興渺瀰一  
 白有若雲焉隱見天末或日下山也北望姑蘇橫金一  
 帶人家歷歷可數有浮圖亭亭曰靈巖上方也東望吳  
 江雲水明麗帆影出沒若有若無蓋七十二峯之麗三  
 萬六千頃之奇皆一覽而在

縹緲峯

淮三洲以為澤水始大中五湖以為鎮山始尊然三洲  
 之利不同而形勝亦異不歷其尊未易偏也而尊莫尊  
 縹緲峯其陽空虛無梯可至西為晉陵水最大也  
 才四峯臨之特親才四峰之於縹緲猶人之掉六

歷三嶠以由西向東踰莫釐以窺吳江秦家嶺  
 親秦家嶺之于縹緲猶人之出左臂北為姑蘇城穹窿  
 陽山或遠或近厥疆不齊砂子嶺臨之最親由砂子嶺  
 歷西湖寺躡峯之陰尤近是升峯之三道也明日得第  
 四峯之道輿舁以進踰時而造厥顛游于空虛忽見大  
 水下奔千巖莫知所在客已有懼色矣居頂獲詢三州  
 之形如螺如黛隱映煙際可以意求難以形辯然東北  
 隱起非河非虹可指者靈巖浮堵也北為無錫其入最  
 深可臆者陽羨諸山也西方不究厥始

率山



率山在予里西二十里俗呼爲張公山中古爲率山卽  
山海經所謂三天子鄣也鄣一作都後世失其處或云  
績之大鄣歙之黃山乘之而遂謂其上皆有三天子都  
又岐而二之指休寧率口上游之山爲率山皆非水經  
云浙江出三天子都在其東廬江出三天子都入江彭  
蠡西今爲率山之水山陰山陽一東一西而流入于江  
者與古今昭合 國朝禮侍朱公大同嘗考知率山之  
爲張公山矣然不知三天子都之卽爲率山故猶以新  
安之江自績溪者出大鄣山龍巖山自歙者出古黟山  
卽黃山自婺源者出古陽章嶺諸山各溯其源而不知  
統出于率山之一源循生其下少從堪輿家得見吳文  
正公所著地理表云率山乃江南諸山之祖長闕古經  
三天子都實彭浙兩江之源乃斷然以吾里中所謂張  
公山者當之而無疑而以昔所謂黟山率山大鄣者本  
一山也旋歷一山所謂金字牌李家店者乃古僧院住  
山盛時游客絡繹行治宿貫之區今已蕩然翳莽中惟  
巨石一片上有三天子都刻字畫蘇軾摹度可驗山礪  
兩石對峙如門謂之石門又上有兩石倒跨礪上水從  
跨下流出乃字之爲仙人跨礪此正江源所自出清冽  
潺湲捫弄久之而去上一山至清風嶺獨石枕山相傳



為支磯石乃憇嶺上萬甥携酒班荆而坐周羅二弟亦至同飲三四行直上三天子都特出上兩圓土岡東西相望相傳東為播鼓尖西為振衣岡中擁小石岡二丘岡稍低舊無名岡石上魏下束壁削千仞頽然有飛墜之勢據之股戰心悸不敢俯視竊為兩巨中小以小為尊此即所謂三天子都也俯視萬山眇若丘垤下至清風嶺復盤折西下半山抵靈隱庵宿焉舊為靈隱院右有釋號靈隱師者飛錫駐于此以建院宋時極盛而今山下休娑叢林名利乃其屬庵也旦起訪靈隱故墟度西嶺尋龍窟觀瀑布泉泉自崖巖瀉以次次為三井神物潛焉禱雨請汲其水即應井下石壁半絕莫能過

從巔而下旦視危懼不敢憑乞水者多夜往掩所不見還至清風嶺復欲一登天都眾莫從然復雲四合黥山古註以為深山多雲故黥字從多從黑而謂之黥山於此益驗

黃山

在宣歙境雄鎮東南山之陽諭百里為歙郡治其北三十里為太平縣又北抵宣治二百四十里不當通都大邑之衝遊者罕至今余始得遊焉山西之麓田土廣衍曰焦村邊峯丹碧稍拔攢蹙若植圭若側弁若列戈矛



若芙蓉菡萏之開雲烟晴雨晨夕萬狀繇焦村南道二  
 十五里至湯嶺上御視群峰猶在霄漢間岡阜蟠結鑿  
 石開逕崑嶷欹危瀑布聲訇磕如雷恠石林立半壁飛  
 泉酒巾袂當新暑凄然如秋又十里懋祥符寺寺前淙  
 流走萬石間山皆直松名杉藤落莎被蒼蒨夔龍茸有龍  
 泉自朱砂峯來依巖通二小池上池瑩徹廣可七尺深  
 半之毫髮可鑒泉出石底纍纍如貫珠不絕氣醱醇若  
 湯酌之甘芳蓋非他硫磺泉此也明日遂試浴垢旋流  
 出穢塵不留令人心境清廓氣爽體舒相傳皖疇者潔

聖立差理或然也寺有南唐碑初名靈泉院宋祥符中  
 改今額又龍池距寺左二里許奔流噴薄洶石潭中亭

午照燭五色璀璨誠靈物所居夜聞啼禽聲甚異若歌  
 若詠節奏疾徐名山樂鳥下山無有行寺旁近見數峯凌  
 空僧指曰天都芙蓉朱砂峯其尤高者天都峰也上多  
 名藥採者裹糧以上三日達峰頂余心甚欲游而鳥道  
 如綿不可乃止凡再宿寺中還至焦村之三日行三十  
 里遊翠微寺古松脩篁石澗橫道僧橋焉覆之屋以息  
 遊者清冷靜邃已隔塵雜余為榜曰翼然至寺庭有井  
 泉僧言此麻衣師卓錫處泉亦清美不溢不涸一峰卓  
 然獨秀直峙東南隅曰翠微峰其條支迴互寺居盤中



故諸峯俱隱不見明發行十五里過白沙嶺往往攀崖  
 壁牽蘿蔓或小木貼巖或棧而度幾不容武旁臨絕壑  
 惴惴焉不敢俯而窺又七里至絕頂頂平廣倍尋方據  
 石少休時晴雨旭霽氣象激潔環視數百里岡巒墟落  
 歷歷可數九華綠翠若連開陸焦村向所見峰皆平挹  
 座間俄頃白雲湧起遙山近海如出沒海濤僅餘絕頂  
 若乘槎于天漢中倏又斂藏如掃如是者三可謂奇觀  
 矣日暮抵寺信宿又二日從村止十里登仙源觀至元  
 中新安吳萬竹習靜菴壞嘗符易欽陵誇詡其勝于贈  
 詩還山今竹存而吳逝已久林阜周密南列翠峯練形  
 引年者固其所哉既還惡吳宗公仲松樓起十日與  
 嶺而南所謂三十六峰者駢列舒張橫絕天表衆岫疊  
 嶺效奇獻秀盡在一覽世稱黃帝與浮丘容成於此山  
 上昇改名黃山江浙諸大山所分以出

君山

在縣治北二里枕江之濱舊名瞰江山後以春申君易  
 今名江流迴返其下齋澗瀉落水允如練山半有亭曰  
 松風其巔有廳曰翠煙廳之後有堂曰浮遠正德八年  
 重建蘇人都穆記北向有堂曰時雨從堂而右為如斯  
 亭山之麓西向為東嶽行宮左為允孝禪寺右折而西



為張公祠從此而上當山正中真武廟焉突然高出歧  
 而望之山氣青縹杳乎神明攸居而靈飈顯景懷納川  
 渠曲而阿複而蹙脊而岡層出而厓叢石積比巒峯峭  
 秀巖然百里之巨瞻信佳勝云  
按宋志山巔故有松風亭後易名心遠紹興間知軍趙雋之作堂其上名曰心遠取東坡詩江遠欲浮天之句

招隱山

由廣德至寧國入招隱山洞當巔出洞前有小築左昭  
 明太子讀書臺初入卧龍洞深約六七丈廣半之內一  
 石如床可卧折而北則有玉藥洞廣深三倍卧龍空突  
 多門覆處巉巖如藥然又折而北留仙洞左小石如嘉  
 東下樓雲洞外口復圍一門門上可步行洞內廣不及  
 玉藥中實竅竅諸洞石膚潤而堅又玲瓏瑩淨云

文脊山

寧國縣西三十里脉迤邐而路還為小山皆石成者水  
 從石洞中滌消自東南巖下放一洞如城門廣四五丈  
 傍甃兩壁石懸突如鍾鼓是為山門洞繞入一寺嵌石  
 藏中背下一小孔為夕陽洞孔狀鱗文猶繪鐫所就又  
 隙穴種種西牖一通明寺右數百武躋陟為碧雲紫雲  
 二洞小石屯擁駁隸然別以二色西碧雲形圓中尖竅  
 而上右復啟一軒一門有石盆諸物東紫雲形長兩壁



麗繡有石牀諸物南越一山又為連漪洞隘竄而深石  
巖上覆水暗下洞中隔山復啟一洞流出石赭色瑩潤  
又南里許朝陽洞特廣青翠交垂左半為水道右通二  
門上覆玲瓏石各矗起門亘巧如舞如蹲

浮渡山

在桐城縣東九十里又曰浮渡山自地視之如潛自江  
視之如浮不峻不麗其中巖壑相屬多石石多屈曲可  
觀其崖三百有五十其最著者三十有六其峯七十有

二其少南為石龍峯其峯蜿蜒如龍人行龍脊上其東

為陸子諸巖

陸務觀

其巖臨縣如千步廊即之累如延

之豁如謂之廊巖其南為會勝巖其巖洞而且邃可居

可樓景象皆萃山巒翕集其東有穿心巖空曠可數百

武遊者出入焉又其東下為石門其門綽如也又其東

南為金谷巖高而敞

倍於會勝

其上有屋有塔其西南有峰

千仞巋然俯江其上有兌巖其西上為大通巖視諸巖

尤勝者古砦有龍湫人謂之天池云又有井其水淵洄

不溢不涸深不可測其內有浮苴壅積而生草木蓊然

木不茂矣而其根猶著水上

其西下為張公巖其中亦有井其而且

冽又其西峰諸岩

巖亦有可居者

中有滴水巖其上有門僅可

望天日坐其中冷然生寒久則毛髮俱灑矣其南下漸



平曠有浮山寺今廢其上多芝多蘭有桂多白石多唐尖人右刻  
其週五里其高三里

潛嶽

潛嶽在潛山縣西北二十里一日天柱山一日潛山一

曰皖山漢武帝以霍嶽遠在衡山欲南狩乃移近於潛

山登封之故今為霍山亦以為霍嶽云然潛山聳其北

皖山揖其南兩山削壁如拱如輔疊嶂層巒拒雲拂日

空青積翠萬仞如翔遠之不見分雪山盤其東俗以為天柱山

磅礴重厚如俯如集霍屏在其西巉崖絕頂與雲接

是山也仰摩層霄俯瞰廣野瑰奇秀麗不可名狀

三十有七其最奇者在潛山有天柱峯其峰突出眾山

之上屹然獨尊峭拔如柱倚連二峯其勢昂峙一日飛

來其巔有巨石如人置於其上一方一圓遇不滿尺其傍

台如倚下台如隨其頂有七星池滿丈深不滿尺

有獅巖曰大獅曰小獅其巖槎牙如座其中有洞曰司

玄其洞空邃可容萬餘武石梯差差石欄礚礚可游可

止曰桃源其洞有桃其花五色其實可食曰黑虎其洞

如虎有煉丹上中山山下山昔人丹臺在焉相傳為左慈煉丹處

其東下南有真元宮有山谷水有山谷寺其在皖山有

榴峰其峯突然如結有獅峰其峯昂然如顧有印峰其



上有石如印其半有天柱官其下有登天壇有九井其傍有石床可容百人其井深不可測

旱則殺一犬投其中則降雨犬亦流出

其在雪山有雪崖崖半色垂如雪瀑布萬丈冬夏瑩然

如晴故又謂之晴雪其上有蓮巖有玉鏡池有芙蓉山盆孟山

其中有白雲巖下有石室石床石壁石門石臼石磴有

舟竈其傍有石松其松如蓋松生石上不知幾百年上

有闍牛石貂鼠石鸚鵡石酒甕石月牙石其石如牛如

鼠如鳥如甕如牙其半有藏虎巖其下有太子閣

昭明讀書

處有迴龍橋武帝迴輦處有天柱寺其中有三十六卷其最

妙者曰芙蓉曰中峰有仰天湖其湖瀟瀟而可注可灌可

沃其在霍山視瀟瀟者引者障其山之高二千二百

廣二百五十四里週八百里道家以為第十其峻如擎

四山可玄洞府

其起如躍其止如蟠其落如踞云

### 三祖山

縣東南麓曰山谷一曰三祖山為瀟瀟之支山其山上有

燦師塔一其下有誌公塔七其東為真元宮白鶴泉其

南為山谷寺卓錫泉吳塘陂其內為涪翁亭其中多宋

元人石刻其下有石窠如牛其牛卧有龍泓其前有酒

島在潛水之涯有簾巖有釣崖有石蛟又有峰十五嶺八崖

五巖八源四洞八臺四池三朝峯即天柱峯有雲鶴時往來其上迎真



峰天書峰丹霞峰頂有祥丹或獻如霞司命峰司命真人降丹峰發祥所都

相傳昔人降丹與許真人處潛陽峰在司命後上麟角峰嶺最高萬歲

峰在王昭峯北排衙峰真元皖伯峰在天柱山下天池

皖山嶺有定心石天印石上有丹壺巖兩相挾中如

輝覆盆峰皖山之嶺丹砂峯盆峰之南世傳有丹砂人

近皆石函峰皖山前僻間有石函斗嶺又曰大嶺在道

平如趙公嶺三祖山後趙真人嘗寄若金仙嶺在真元

里煉房嶺下煉丹之上雪珠嶺中煉丹後數百步徑通

如石壯嶺皖山南罔嶺白鹿九曲嶺三祖山後道士崖石

峰西面遠視之如獅子崖天柱山下有路仙桃崖下煉

有洞朝真巖真元宮前其虎頭巖真元宮東水晶巖真元

洞下其岩直通蒼海昔有道人玄巖採藥見一處烟霞

清絕有洞門幽曠吟聲奇特冠絕諸處真司玄洞天也

懸崖絕隔焙藥巖真元焙藥處道遙巖上煉龍吟巖

前瀟山虎嘯巖瀟山天柱源在朝天峯下乃桃源昔人曾

上種時茶源下田數畝所收可以宰豕物不外白水源

潛西南飛瀑千丈上連藥真丹霞洞瀟山香泥洞真元

人菱舍衆山圍繞景物絕嘉後石牛洞在山

使齋額時出泥其泥香劍仙洞在蓮子毛人洞相傳夜

蓮子洞崖水蓮洞中煉白花洞真元宮毛人洞相傳夜

來聽高奪臺存真仙人臺白鹿崖東北廣五丈其定心



臺

嵩山天地之北花峯之南方廣數丈平臨千仞視之悚慄

照陽臺

皖山間夕陽所照炎彩射空

盆池

皖山之頂其池如盆

天池

嵩山北其上坦然有水池二清瑩澄澈不溢不涸

七星池

天池北環列七池其形如水清水盈溢

金焦二山

南都東以赤山為成皇南以長淮為伊洛北以鍾山為曲阜西以大江為黃河即北都據冀薊上游當燕趙要會環滄海博太楝河濟通流同一形勝之雄也石頭城樓堞相望玄武湖圖籍閱深閣江樓萬象崢嶸獻花巖天闕拱峙亦與北都天壽山龍翔鳳舞大行峯積翠凝華上泉湖銀河碧浪居庸關登嶂重巒同一山川之麗也猶與盛哉對到目無幾何忽拜廣西泉金之揚形

登舟渡江帆揚風迅須臾抵鎮江郡金焦之間泊焉維舟陟磯披襟遠覽用愜夙慕東南賞心金山舊名浮玉有龍洞有妙高臺有善財石有吞海亭有日照巖而中冷泉水品稱天下第一蓋其前臨滄海却倚大江獨立無朋以天為際風濤朝夕吞吐魚龍淵窟盤據所謂萬川東注一島中屹者也焦山或名譙山有羅漢巖有煉丹臺有桃花塢有吸江亭有寶蓮閣白石粼粼高且雲表其獨也如洪濤之砥柱其對也如蒼龍之雙闕山旁二島即江漢朝宗于海水道也合而觀之焦山山裏寺



金山寺與山相距甚邇氣勢相抗世以並稱綠二山拔  
 出江心岌業分引如兩臂狀南臨鐵甕之城北瞰瓜步  
 之洲西接建業集慶之都東據海明天蕩之險淠淠焉  
 淠淠焉稽天而白者皆水也轟轟焉嵯嵯焉拔地而青  
 者皆山也信哉乾坤勝覽手按焦山乃漢處士焦允所  
 隱地故名允三詔不起蔡中郎贊曰猗與焦君常此玄  
 默衡門之下棲遲偃息云云以其曠然天地為棟宇出  
 形入玄羲皇以來一人而已瘞鶴銘為焦山一絕石刻  
 猶存乃陽華具逸撰上皇樵人逸少書詞曰相此胎禽  
 浮丘著經爾其何之解化惟寧云云原其所書諸說不  
 同卽蘇子美山陰不見換鵝經京口新傳瘞鶴銘之語  
 知為右軍書也金山名昉於晉建武或謂唐貞元間江際  
 獲金數鎰表聞賜名宋祥符名龍游主僧佛印了元者  
 收內翰蘇文忠公所許玉帶水鎮山門觀公之金焦放  
 船詩篇則其夙耽茲寺可知矣虛蜃氣浮張敬夫萬頃  
 洪濤裏巍然閣古今在元如馮海粟江流吳楚三千里  
 山壓蓬萊第一宮雲外樓臺迷鳥雀水邊鍾鼓振蛟龍  
 夫金焦佳山水為京口重而京口形勢亦為留都壇城  
 重

鎮口山川



京口揚帆急渡頃刻登岸首觀善射石其石孤挺欹側  
宛然有禮拜之狀寺僧導予西至迴廊入王華錦扁曰  
觀瀾左右兩壁嵌石入題詠至於無隙予坐對王華峯  
則西南以北三百米光山色照映几席且形勢環繞波  
濤汹涌異常真一奇觀也遂入大雄殿其西則中冷泉  
扁曰天下第一嘗之甚佳或又以泉在江中苦於汲引  
寺僧移置於此非原泉也未知孰是又由石級轉至琉  
璃殿殿後有廊護以木欄坐觀之則西之江茫然萬頃  
遠望諸山如抹景象頓殊又一奇觀也由石級而坐坐  
江天閣閣之下塑闕王像於其中其窓臨江舉目北望  
則瓜州烟火皆可屈指而風帆往來下視一葉濤聲激  
迴愈急愈震遂登其閣則錫山王問題曰江天一覽至  
此下望則濤聲與水勢若緩而其見愈奇矣遂轉北上  
直登留云亭若置身雲際四面江山如指掌焉夫以萬  
水東注一島中立丹輝碧映攬數州之奇于倏仰間而  
下盤魚龍之宮實堪與一極勝處也復由塔傍攀高北  
下數丈自石隙而入名裴公洞石碧四圍中空丈許內  
置僧龕中肖頭陀之狀俯視江水出奇石間於石中窺  
見中流帆影尤爲搖曳自洞門捫石而下僅可容足而  
石勢巉岩陡絕下臨湍流不覺目眩神悚路忽中斷山



僧接以木棧自下而升始達朝陽洞洞廣袤六丈許石皆下垂中可坐二十餘人有游僧入定於內洞東向日初出時霞光五彩如繪隨浪沉浮僧言與岱岳日觀相似出洞至江堤尋石罅秉燭俯偃而入則山皆玲瓏空透以垂石則如冰溜其下而起者如筭然縱橫排列水流石間亦甚湍駛聞濤聲恍在數里外復回數十武始出洞門轉東即盤陀石東坡與僧了緣坐談處石高數丈水流其下盤陀石稍南名曰妙空石方廣數丈石西復如廊石又上數級乃妙高臺東坡書經處故址尚存復自中冷而西至江岸乃見石排山三石削成高數丈孤立湍流中與東善財石左右若拱若揖石去山北曰丈波濤洶湧聲如巨雷名爲龍門其勝蓋名於天下蓋勝在水而不在山也若以此山置之於陸特一卷石耳故觀山之道有二有因水之外景而增勝於此者則浙之天目徑山閩州之金山是也有直自本體而稱勝者則閩中之武夷台之鳳蕩休寧之齊雲是也及予返棹登玉華寺復覽長江一壑無際迴視金山之逶迤曲折不啻千百千萬可以互照矣初九日由西門北行三里許入北固寺寺之殿宇不甚弘麗傍有空地半畝許如砥且窺望之則甘露寺之樓閣層疊如倚空中寺址有




地一窪甚平且曠新建一大佛殿獨居其中塗以丹粉  
前後青松四列相雜成文真如圖畫遂出北至耳露寺  
榜曰天下名山第一舊乃梁天監中武帝御書今則宋  
延陵吳琚書也進寺門則迴廊環遶山漸而高製顛金  
陵之朝天宮及巔別一亭雄據其上額曰摩雲坐亭遠  
望則東之焦西之入如侍衛而長江一望合二山之景  
而在只為京口三山此其最勝歟轉而西則有觀音閣  
週遭檻欄皆以青石極其堅固扁曰靜禪乾坤西望金  
山青巖一抹可謂萃景人皆知金焦之勝而不知北固  
之左勝乎故題曰三山第一上乘禪林云蓋其北固與北  
固雖異名而總之則北固山也

黃山三十六峰總圖














石門峯

丹霞峰

紫雲峯

松林峯

飛龍峯

烏崖

狼豹洞

五雷原

石瓶泉

猿猴岩

龍吟石

龍吟寺

萬石市

吟嘯橋







黃山舊名黟山當宣歙二郡界高一千一百七十丈東  
 南屬徽之歙縣西南屬休寧縣各一百二十里東北屬  
 宣之大平縣八十里卽軒轅黃帝浮丘公容成子棲真  
 之地唐天寶六月十七日勅改黃山按江南諸山之  
 者有天目天台二山郡國志云天目山高一萬八千丈  
 而低于黃河者何也以天目近于浙江天台俯瞰滄海  
 地勢傾下百川所歸而宣歙二郡卽江之上游海之濫  
 觴也今計宣歙平地已與二山齊况此山有摩天曼日  
 之高則浙東西宣歙池饒江信等郡之山並是此山肢  
 脉諸峰橫石迥如削成烟嵐無際雷雨在下霞城洞室  
 乳竇瀑布無峯不有山下往往聞峰上仙樂之聲林澗  
 之下岩巒之上奇蹤異狀不可模寫誠神仙之窟宅也  
 自歙郡自山口一百二十里自山口至湯院又八里磴  
 道崎嶇不通車馬按周書異記神仙傳云昔軒轅黃帝  
 問道於廣成子受胎息於容成子吐納而谷神不灰獲  
 靈丹於浮丘公遂思超溟渤遊蓬萊乃告浮丘公曰願  
 振衣躬侍修煉浮丘公曰凡擇賢而師學必精奧棲隱  
 勝地業則易成煉金成丹必假於山水山秀水正則藥  
 乃靈惟江南黟山據得其中雲凝碧漢氣冠群山神仙  
 止焉地無葦辛境絕醒腐古木靈藥三冬不凋名花異



齊雲山圖




齊雲山圖

卷之六

五十一













齊雲山

環休寧縣山皆平遠不足以當大觀出縣西三十里至  
 白嶽嶺山始高峰始奇石路盤迴如線游者肩輿緣梯  
 而升至以雙繩曳前後其甚處輒下行拊背或行不能  
 步自白嶽西南行五里至桃源嶺重崖夾峙上結小屋  
 以臨風曰中和亭立亭心下視已數百仞野田茅屋秩  
 秩如畫亭下二巨石蹲伏色薰黑中有白質成突晴日  
 石驚鳩鳩傍大壑深不得其底但聞水聲濺濺出草樹  
 間曰桃花磯循磯南行里餘至獨聳巖蒼然峭壁橫截  
 一山近西乃有石鐫方廣若門蓋天造以通游者門首



石楠一株其大數圍四顧門下諸石如伏犀馴象不可  
狎玩入石門東南聯巖如城懸石四覆勢欲飛墜其第  
一曰彌陀巖巖屋不踰丈第二曰觀音巖視彌陀稍劣  
前一石色正綠昂喙而躡尾曰鸚鵡石第三曰羅漢洞  
稍加大焉二石龍循洞門旁出鱗骨隱隱蹴之疑爲石  
子所砌諦視之石肉相粘復意其爲真龍也洞深二十  
餘里束炬東出可抵縣之藍渡溪然愈入愈狹莫敢爲  
之導者第四曰龍王巖視觀音加劣巖上飛泉洒洒落  
崖下如雨四時不竭曰珍珠簾瀦水沸散于西礪曰龍  
池泉西巖有虎跡如泥淖所印者曰黑虎岑黑虎西行  
折南里餘至車硤嶺其峻視白嶽倍之車硤南一里餘  
至玄武觀觀後一山突起如屏倚天正立所謂齊雲巖  
也古松數十夭矯如虬龍皆數百年物觀左一峯曰石  
鼓右一峯曰石鐘夾屏兩峰曰輦輅皆以其形名觀前  
溪水如帶委蛇而東爲石橋以度南直觀門數百步一  
峰挺然拔出莽蒼中不與群山相屬曰香爐峯僑西數  
百步高崖中斷一小峯離立礪下曰捨身崖崖西二里  
餘五峯差列如群仙冠珮下天際以向齊雲曰五老峯  
西北間有沉香洞人跡罕至草木蒙翳時有蛇虎潛其  
中不能往也游者始入率以白嶽高至桃源則白嶽已



在其下至車硤則桃源又下至齊雲則車硤益下蓋於此可以見天之高地之迥杳不知身之在何境也

### 齊雲品

齊雲品為白嶽之正區群山迴環夾衛後峰倚者為輦路前峰面者為香爐太素宮端據中央鎮九霄而攬四境果宜神靈之栖而非玄帝自相卜焉不能也東去里餘惟羅漢洞與天門為奇詭此外則蜿蜒散漫漸入丘壑矣白岳來自岐山二十餘里故奇詭紛然交爭疊競不可悉狀者惟西來為最盛由宮西踰浮雲嶺下不一里峯側一石斜架有泉飛洒如縷注為洗藥池考諸橋

峰也又踰里餘壁立橫張蓋覆穹隆如堂宇其有紫雲峯也馴伏崖前其首軒然欲起而奔者駱駝峯也崖左阜牙拖練颺颺如飛者展旗峰也峰外盤螺並立如去欲留者三姑峰也西望里餘參差俯仰翻聯如向人拱揖者五老峰也又踰里餘回望方平如障峯半疎松行列蒼翠貼嵌丹崖如畫者獨登峰也由是西望里餘諸峰有如劔如戟如蓋如島者雖可狀而未有名焉又踰二里餘則茅臺嶺麓矣嶺麓浮沙穿石小澗清冷漾漾而沉五六里乃渠口焉

### 齊雲南磧



晨下五老峯由獨登塘折四里餘至南山嶺憑視兩山  
 傾峽下插深壑中而茅屋石田平林盤阻遠則亂山糾  
 結烟靄明滅杖履之下窈然別一洞天也迤登而下幾  
 一里舉首巖崖研然欲飛墮左前雙峯並峙中噴一峰  
 竒詭東向如人為望仙峰右削丹崖橫理深闕飛泉歷  
 級而注如珠為玉階泉又下五里穿硯綠蘿始抵平壑  
 水聲濺濺出巨樹間為井源循礪經丘及農舍少憇啜  
 茗而出當門數峯拔地如翠屏四顧諸從如城堞獨西峰  
 窈窕入雲如髮為王女峯北向一峰方平如室為王臺  
 峯左開北巖空洞深入二十尺長廣五倍之龕榻  
 之設依然為佛窟予詢天井所在道人指西巖以涉  
 松林塢稍東折北巨壑幽陰漫目青茅蕭颯夾徑如入  
 長道人健步如奔鹿又南陟三里逾一崗下見石溪穿  
 林抱麓西走如虹為南山礪砂石可數毛髮可鑑遊行  
 二里行石井九焉黛色深坎是固地設真造顧人力不  
 能有或束如甕口或圓如明月或張如海蚌或長如夫  
 塹屈曲相屬如星躔洞洞冷冷可聽可玩復順流泉二  
 里得一潭焉砂漲幾乎旁有瀑下如布其源不知所從  
 來由礪度峽行則不能成步崖間一石如橋橫跨飛泉  
 之上為小石橋巖折北里餘突見蒼巖騰空如雲一竅



通明如望月爲日最直前二里又得一潭焉道人曰是  
所謂天井也流至吾左陴落奔如五龍轟如雷驚濤如風  
中有井口圓徑丈餘謂龍窟早有激龍者以繩百丈繫於  
篆探之終不得其底上則雄崖亂木勢向下窺陰陰有  
峭壁嵒疑立久之心神自怖疑有神物在焉乃探崖而  
下越時周覽其源則又不知所從來矣循磴以西二里  
許乃得第三潭流至是而夥集峽至是而益峻峽下  
懸如銀河人至是不敢近但袖手仰觀而已謂是潭也  
爲雷江會懸溪入浙赴海夫是山深入不二十里萃三  
潭九井之勝群巖萬壑長林夾澗前峻後險以蔽日後幽  
晦以多阻春夏則百泉奔瀉峽徑洄澗迴絕人跡杳然  
深邃誠爲魍魎之疆場龍虎之窟宅也予嘗竊以爲  
雲勝於山抑孰知其水之勝有如是耶嗚呼登齊雲自  
白嶽而升至觀而返者歲幾千萬人至觀及紫霄五老  
兩返者歲幾千百人自五老而至於是者歲不一二人  
游跡罕及而境固自奇今予幸來遊而宣之予夫豈偶  
哉是知物之不終蒙也

九華山總圖













九華山叙

圖必有總合之畫其大也九華自秋浦七井而來屈折  
三十六盤過白沙嶺入邑之南界山始高峰始奇殆天  
造地設以壯青之形勢也其山水寺宇之名位形狀俱  
詳各圖茲不復贅但俗傳九十九峰云者自陽數之極  
言之未足盡其秘也大史陶文簡公云萬峯飛舞上青  
天信哉不然陳青隱先生詩云三十年來遊未了也

九華山

自青至化城約五十里許去輿統騎由九華廟行十五  
里至西洪嶺適天氣和明諸山拱秀左九峰最高詢與



人則枕月也右峰突起雲觀山也西洪南下有山在東  
南兩峯間則蓮花峰也其他峰指顧類是又五里至石  
龍口十里至山西屯中有田數十頃寬平如山外而春  
水之漲日光掩映四山環列如黛亦奇境也路東折見  
獨峯雙峯等列峙上華石照諸峰升高時見之經協濟  
祠抵橋庵日已西僧具飯飯已過伏龍橋路險甚易肩  
輿著道袍僧會前引按志指諸峰觀焉二里許有巨石  
名定心百餘步至湧泉亭山泉冷冷噴流諸峯各露頂  
顛又二里至半霄亭自橋至化城路之半也里許兩澗  
深絕中一路僅通人行小仙橋也半里許至碧霄亭香  
風冉冉自山下則一小僧以香爐通十餘步過大仙橋  
狀如小仙橋而長聞空中簫管聲則小僧又以吹迎也  
至望江亭則老僧畫以徒衆迎前指曰西北烟霧中如  
練此長江也登是亭見之故名又東指某天柱某雲門  
某二神天柱北五峯拱對余問曰此五老邪僧額之稱  
是經玄覽亭路南南下左折過聚仙橋懷賢亭抵化城寺  
則日啣山矣峰巒四列橫藍疊翠在在奇絕飯已出門  
緩步老僧出觀諸名賢詩數數陳山中故事已蘇君遣  
青衣擊門以酒至觴數舉問天色晴晦忽無星宿子恐  
曰諸峯尚未登覽將山靈秘予耶爲乞晴文檮之夜宿



千佛樓風聲四作翌晨二吳生携榼來則蘇君不得至  
遣二生侍也起視雲氣漸微齋沐謁太白陽明先生祠  
已諸峯盡出偕二生至玉香咲指諸亭禮金池藏環視  
塔光老僧談地藏顛末覺疊不倦東折登神炎嶺最高  
處采五釵松望天香嶺金剛尖二生啟榼酒數舉東遊  
宴坐岩自山根至岩五里許路九轉有石甚平可坐數  
人足至是亦倦少憇焉題緩步二字于石又五轉觀龍  
女泉路左右石突出狀如龍頭題云龍頭石至岩顛四  
壁峭削岩石倒垂上有陽明親書周經和尚句而  
讀筆跡宛然而西折一庵庵內石洞長丈餘  
也庵外有舍生岩其下深不可測令數人牽衣袖側身  
下視毛髮竦動稍南一禪室懸岩南向適對外山坐牖  
中界境空寂二生觴予予亦觴二生遣人取石芝烹以  
侑酒地源摘茗汲泉水煎啜各嘆奇不置已登洞之顛  
與二生陰夜合跌坐僧環列指云此古仙此鉢盂此中  
峰此雲門其對石稍西而最高者此天台他峰顛是皆  
外峰也自金光嶺而宴坐至棋盤石而北則內峰也皆  
拱向化城宴坐岩一名東岩登是岩則內外諸峰皆在  
几席岩額大石二方平廣如削予書千峰坐照四字于  
上僧立鐫焉內峰之外有溪石聲括括僧曰此溪經龍



池而下卽伏龍橋水也志載龍池者三歷數之實數十  
焉此內池也每山一重則有溪緯其下外峰有數重焉  
各奪一近縣來化城途所見獨高蓮花等峰與九子岩  
獅子行道羅漢面壁等峰不止百數皆外峰之綿亘秀  
麗者其溪因之其外峰之二重溪流直抵協濟祠同諸  
山之水而併入西北則驛路之五溪橋水也外峯險絕  
游足鮮到與僧周歷內峰焉二生力倦不能從峰巔上  
下殊險恠肩輿亦弗能就徒步往命兩人掖之由插霄  
峰摩空嶺觀虎洞僧云數年前有僧坐此六年不出虎  
不入洞經讀書室壁上一中石乃綠蘿而下觀龍池削  
壁千丈僅樵路一線下視神竦行者足凜凜聲前發  
呼僧求止者三余弗能已坐棋盤石觀仙棋棋子動不  
可取仰視經行諸峰其高如天復綠蘿上數休息而至  
峰之別支從者縱火炮山聲相應震蕩若雷已降至耳  
泉書院



南昌後學章潢本清甫編

東嶽總叙

粵稽重華咨牧肇州封山濬川蓋曰地有名山大川則  
國為之重乃若名山莫重於嶽莫尊於岱而巡狩柴望  
亦獨先之是故宗稱於書瞻詠於詩鎮於禮書於春秋  
下逮于史百氏擴其功用出震配乾豈徒以盤礴崩圜  
矣乎况我

國家定鼎燕冀實惟茲山雄峙于東後形勢壯輿圖以奠  
王畿國計漕源亦維茲是賴宜有以志之是故探頤索隱



以彙經籍之文發山川之秘旨之以秦嶽而峰巖水后  
 諸名勝附焉猶之言天而不外乎日月星辰言海而必  
 及乎蓬瀛桑碣將使遐方之人亦得而盡覽之卧遊乎  
 洞天福地必有曠心逸度默契吾夫子之所以小天下  
 者矣

山東各郡諸名山總圖



山東各郡諸名山總圖

卷之二

二





山東濟南府山曰泰山

餘里見東嶽

山府東南山如重甌土有東西二洞西洞深秀一里東洞出萬仞絕壁之上又有翠屏巖獨秀三秀峯龍洞

黑龍巖章丘卽玄大峪鄒夾谷淄川卽齊長白

子曰卽泰山副嶽繡江源自此山高二千九百丈方山

周六十里雲雨長白醴泉寺卽范仲淹讀書處

長清卽水通明山峭壁中有二石孔陶山肥城池蠶浮

經王符山亭亭梁父云云俱泰宮山新原山

石間泰安漢封亭亭泰山禪處

萊蕪淄水出其陽馬谷海日觀峰泰山頂東鷄鳴時龍堂

洞章丘縣南有東西二洞東高廣深邃有野龍跡旁一

之四時躡突泉濟南名泉七十二躡突

不竭交州府山曰曲阜一名尼丘山孔子應禱所生之地五

峯連峙今其麓有宣聖廟中和壑西



南有觀川亭遺趾東有坤寧洞甌山城東雲山寧鳧山鄒縣形如鳧飛南

義畫卦于此故土人呼其處為八卦山嶧山峯巒秀特洞窟玲瓏石門孔

孤桐即此山也昌平鄒孔子生于龜山泗水龜蒙郎此樾山

滕滕雪山上有梵王太子廟有盤陀后悟真君山嶧陽山

金金棲霞單文亭武曹南曹州即詩景山曹縣即詩髮山

定定兩城濟郗山嘉金鄉野獨孤鄆黃萃東蜀山汶穀城

東阿即張良孔子梁山奇艾山沂龜蒙山費書蒙羽

有龜蒙居魯東野孟子所謂大沫洞根盤三十里壁立

東山論語所謂東家是也大鉅野澤即昌平大野野

東昌府山曰泰山府歷山漢有陶山館陶西山恩弁

青州府山曰雲門城牛山臨愚公山東有愚公家蘭山

高孤山昌樂伯夷北海沂山臨胸周禮青州之仰天山

記云仰天勝絕甲于東方又云自臨胸歷五井而西捨

井山行如錦屏者二十里又云禮觀音像諸豐濟祠探

黑龍淵息白雲洞聽水簾之潺岵山安瑯瑯諸城既齊

溪望陂岡之屹嶧真奇境也岵山安瑯瑯諸城既齊

九九仙山蕪軒云九仙在東百丈崖在沂山東鎮廟西壁

皆蒙翳有泉自山巔而下灑若飛雨日瀑布泉蒙陰

宛有廬山之勝喬守築百丈崖三字刺于巖壁蒙陰

浮來州文峰沂孤奎照絲山山形絕懸溜浸后如大

峴即穆陵關其山峻險僅獨山臨淄齊風遭我手水簾

洞在雲門山之陰中有泉清冽常枯旁有石水簾



登州府山曰羽山

府城東南萊山黃縣封禪書

之聚福

園五十里三面瀕海史記始皇登之累刻

石紀功武帝至此聞稱萬歲兩石銘尚存

面石壁巉巖上有蓬萊閣及半山獅

硃磯巖在冊山下

子南十三洞秀麗奇絕為一郡山觀

狀若珠幾沙門島城北海中六十里凡海舟渡者必

島海市見城多在五島齊山遠岨嶼山

之上又島中多產美石

合流大崑崙寧海有大白嶺烟霞洞

入海文登封禪書秀拔冠羣山即崑崙

功成山文登封禪書召石山東海牛島

德成山文登封禪書文登始皇集

此島五壘山文登南北成行入海如壘又南后門山兩

石近五壘山石聳立如門今按文登有鐵查山東連

山甚奇秀圖經弗載何歟

萊州府山曰塞同城東一名神神仙洞府城東南十五

官又有神仙石像四十九數金泉度之萊山

連大澤御駕明堂諸山天柱山絕頂巉巖孤山

多秦篆懸崖斷莫能辨

陸山昌邑霍膠山膠水源礪阜高密石城

不其漢鄭東成勞山瀨海山有二其一高大曰大勞山

二十五里周圍八十里齊記天井山即墨上有一井極

日泰山雖云高不如海東勞

湯泉出三山萊州北漢志蓬萊方丈瀛洲此三神

馬熱甚三山山者在渤海中豈海岸之三山也

遼東山附

沙夾萬歲水吻岸沙長三百里

晉山都司西南山頂平石上有掌輝山瀋陽層巒疊嶂

有蛇山狼山黑山醫巫閭山廣寧舜封十有二山以此

中子山皆在衛境



北鎮其山掩抱六重故又名六山上有桃花洞中可容  
 五六人又聖水盆三其水自懸巖下瀉雖冬不冰又有  
 仙人巖飛瀑巖山 寧遠中高四百四丈守 長白  
 下又有呂公巖 之可斷北虜出沒之途  
 山 三萬衛東北橫亘千里其巔有潭周八十 桃花島 寧  
 里淵深莫測幸流為鴨綠江北為混同江 濱海漕  
 孤石 廣寧竝立海中高百餘尺周圍三十  
 舟泊此 餘步上有仙石棋盤下有黑石棋子

歷山

府南五里一名舜耕山古有舜祠曾南豐齊二堂記云  
 舜耕歷山漁雷澤陶河濱作什器於壽丘就時於負夏  
 鄭康成釋歷山在河東雷澤在濟陰負夏在衛地皇甫  
 謚釋壽丘在魯東門之北河濱在濟陰定陶西南陶丘  
 亭是也以余考之耕稼陶漁皆舜之功宜同時則其地  
 不宜相遠孟子又謂舜東夷之人二家所釋雷澤河濱

壽丘負夏皆在魯衛之間東方之地歷山不宜獨在河  
 東在齊者是也世因河東雷晉山一號歷山瀉水所出  
 舜娶堯女所居遷就附會謂歷山為雷晉之別號不考  
 其實由是言之則圖記皆謂齊之南山為歷山舜所耕  
 處故其 厥名歷城為信然也或者不此之論乃備陸魯  
 望象耕鳥耘之辯可見其贅 龜蒙云世謂舜田歷山象  
 居非也蓋耕者行端而獲深似 為之耕鳥為之耘聖德感  
 象步耕者舉疾而畏晚如鳥啄 通典云山有大甲冢未  
 詳歷山南屬泰山東連瑯琊崇岡叠嶂脊脉下斷欽嘗  
 有詩云濟南山水天下無晴雲曉日開畫圖羣山尾岱



東走音奏海鵠萃落星青照湖此濟南山勢也

### 長白山

長山縣南三十里太平御覽云長白山者因此山雲雨長白故名西南又有大湖山二山並有石室敗漆船上有記皆謂堯時物元和志云於陵城西長白山高二千九百丈周六十里昔陳仲子夫婦隱此宋范文正公讀書寺中

### 九仙山

密州東南百二十里坡云九仙在東武奇秀不減鴈蕩所謂九仙今已壓京大是也

### 龜蒙山

魯頌閟宮曰奄有龜蒙遂荒大東傳曰龜蒙魯國二山也龜山近魯在今費縣西北七十里後人指爲蒙山者山頂宛如龜形名不虛得夫子龜山據曰余欲望魯兮龜山蔽之韓退之擬曰龜之大兮祇以奄魯則龜爲魯之大山明矣蒙山在龜山東二山聯屬長八十里禹貢之蒙羽論語之東蒙正蒙山也先王封顓臾爲附庸之君使主蒙山祭山在東故曰東蒙後人疑於東蒙之說遂以龜山當蒙山蒙爲東蒙而隱沒龜山之本名夫魯人頌其本國之山川辭必審矣故今定蒙山爲龜山東



蒙為蒙山以復古焉

帝王世紀少昊自窮桑都曲阜註謂窮桑在魯東蒙山屬魯地未知

果否龜山下有古顯史城山前王虛宮唐仙人賈神翁所

建有英烈昭濟惠民王祠即顯史也山西南十里餘有

漏澤澤有五穴春夏積水秋冬漏竭將漏之時有聲居

人扈穴取魚隨種麥比水至麥已收矣

曹繇解有唐大中間校書郎李

潛漏澤賦并序石刻宋至和間出于泥中今斷裂為二

在醉翁亭記碑旁醉翁碑者歐公同時人蘇唐卿為費

縣宰篆記文刻石立于此蒙山前陽口村有玉皇廟相

并刻歐公往復手帖皆精

羽山

羽山在嶧州東南百二十里

殛鯀山也前有羽潭一名羽池左傳鯀化為黃熊入于

羽淵即此淵

君山

一名抱犢山嶧州六十里述征記曰承縣君山有抱犢

固壁立千仞去海二百里天氣澄明宛然在日山上有

池深纔數尺水旱不增減平田數頃昔有隱者王老抱

一犢于上耕種後遇異人仙去故以名焉漢曰樓山魏

號仙臺其高九里周四十五里然今嶧州城北別有仙

壇山亦奇秀豈即仙臺而誤為君山所掩邪

夾山



嶧州北七十里通典東海懷仁縣有夾山即夾谷也左  
傳定公十年公會齊侯于祝其漢有祝其縣實夾谷孔子相

石屋

泰山東行三四里無復溪徑披蒙茸攀巉巖偃僂而上  
愈進愈險下瞰崩崖驚汗浹背又三里盤旋轉一岡而  
石屋在望矣有羽士迂于青松絕壑間前牽後擁迺獲  
躋焉瞠目縱眺上有削鐵奇峰千朵前有夷地可半畝  
入其中窈然深朗然虛明石竇涓涓凝結玉柱大十圍  
高丈餘晶瑩可鑒崖有元君手印玉指宛然後有石床  
則元君偃息處左偏一巖透絕頂有石樓可坐三四  
卜水滑不能升躋攀數蹬而下力疲卧石床毛骨灑灑  
旁有聖水池清冽而其不盈不涸下有石曰牛心甚奇  
怪又下有洗鶴灣深不可測鶴鳴于上似與人聲相應  
和真仙境也遊泰山者每以道左日窮為畫于斯學到  
孰知石屋之多奇

標山

綽然亭西四三里有雙山曰標各廣四十畝童無樹林  
東西並峙皆青山登矗勢陵陀可步而上按圖輿經無  
其名蓋土人以旁無他山惟此石標可望故以名之其  
上有洞如屋可避風雨始登若小勞既戾其上神超氣



逸身欲羽飛環視衆山手若可即其巖巖屬巖巖盛於東  
南而微殺於西北諸支流之水縈絡交碧練橫繩引折  
而復合蓋郊外可登眺者莫此勝焉

龍洞山

山如重甍上有東西二洞邃深一里許東洞出萬仞絕  
壁之上洞口釜鬻尚存煙火之跡如墨昔人避兵引繩  
以上中心有泉不知其深幾許又有翠屏巖獨秀三秀  
峰峰側又有龍洞禱雨輒應宋封靈虛宮下有黑龍潭  
懸珠泉俱近洛口九域志又云禹登山謂禹治水嘗登  
此

雲門山

府城南五里上方號大雲頂有通冗如門可容百餘人  
遠望如懸鏡泉極甘冽崖壁上銜蚌殼結石相傳海田  
崩變如洗存中筆談載大竹山崖螺蚌石子橫且如帶  
之類齊地尤多又有碎石子或間瓦礫疑結作石殆不  
可曉蓋蚌石雜沙土凝者水所積也石子自凝成石者  
氣所化也豈天地之終萬物皆碎爲塵及其開闢漸復  
凝聚元氣渣滓中融化未盡者猶有其質耶以理逆之  
無足怪者雲門之東曰劈山山峰分裂如劈古名劈頭  
山西則駝山三山聯翠障城如畫



瑯琊山

密州東南百五十里齊景公放於瑯琊即此吳越春秋  
 越王句踐徙瑯琊立觀臺以望東海秦始皇廿八年南  
 登瑯琊大樂之留三月徙黔首三萬戶于臺下立石頌  
 德御覽云碑有六百字可讀臺側有四時祠臺上有神  
 泉人或汚之即竭漢于此置瑯琊縣武帝亦嘗登焉隋  
 開皇十六年于此置豐泉縣大業初復為瑯琊唐省之  
 今山下井邑遺跡猶存登山右道如故土人名曰御路

艾山

樓霞西北三十里山前溫泉可浴按樓霞縣本以山得

名曰百澗北曲方嶺唐山靈峰覆醜積金步之陽公山

山磁山哈嶺山

哈嶺在福山南

岨岨山不能具述大抵環縣皆

山耳宋李常云吾州有重巖疊嶂不可名狀信然

鄒嶧山

嶧之為山雖非名嶽巨鎮其洞府玲瓏巖竇崎嶇千態  
 萬狀他山之秀未必可竝道家所謂洞天此非其一歟  
 頃導汪張先生題嶧山詩云淮堧有葛繹其陽孤桐生  
 地里殊迥隔山名難混并蓋謂此山去今徐地遠非禹  
 貢所載嶧陽孤桐之山也竊嘗考之書曰海岱及淮惟  
 徐州詩闕宮云保有鳧繹奄有龜蒙遂荒徐宅春秋文



公十三年杜預注云嶧山在鄒縣北今山之西南有村曰故縣疑其為古鄒縣也唐杜祐通典云故鄒國城在縣東南周圍四十里上冠峰巒下屬巖壑窮險勝景有鄒嶧山宋逸齋王氏詩補傳云鳧繹二山皆徐國之地繹與嶧同李迂仲詩解曰保有鳧繹之繹即禹貢所謂嶧陽也陳大猷書解旁註薛氏云嶧山在襲慶府鄒縣此山始無土壤故山陽孤桐可貴程氏春秋分記嶧山在鄒縣東南二十里高秀獨出太平御覽嶧山事迹引爾雅曰鄒嶧純石相積連屬而成山鄒山記云鄒山古之嶧山也孤桐之所植和文公之所卜山下是鄒縣本

樹

之累山

在福山縣東北二十五里連文登縣界周圍五十里三面瀕海史記秦始皇登之累刻石紀功如祀志齊有八祀之累為陽土漢武登累山聞稱萬歲即此其東南海水中有一疊石俗傳武帝造橋有兩石銘尚存歐陽脩云古秦篆遺文纔二十一字曰於久遠也如後嗣焉成功盛德臣去疾御史大夫臣德其文與嶧山碑泰山刻石二世詔語同而字畫皆異惟泰山為真李斯篆爾



鼇山

鼇山一曰勞山有大勞小勞齊記謂泰山高不如東海  
 勞始皇登勞盛山即此以勞於陟也在今即墨之東南  
 四十里東西南直距海上山形延亘若城雉峰起如堞  
 縱橫高卑直突旁擁相系凡五百餘里其奇峰怪石不  
 能以狀崩崖幽谷深巖絕壑峻嶺曲崦不盡以名樓禪  
 鍊真靈異之蹟不可以備土人以峰名峒山多因名嘉  
 靖癸巳秋余按縣至自膠閭監侍御王夫悉山之勝云  
 土人不易到不能自遇與王夫出東郭三十里由三標  
 山出海上蒿莽中十里纍纍數丘一高起曰鶴山至則  
 攀陟亦峻石嶮岬磊砢憑藉為磴松多偃枝古幹夾石  
 而上一道宮曰通真庵後有洞傍巨石鑿道人丘長春  
 大書鶴山洞余亦勒同游歲月鼇之東麓也西南諸峰  
 插天橫亘數重望之若劍戟羽鏃森列而恍然若雲並  
 海濱東南行三十里山皆巉巖一峰深秀多長松怪石  
 由叢石歷塊轉折成路至獅子巖下有臺字乃宋太平  
 宮也巖側有三石結架如戶出其上時夕陽在峰頂海  
 濤撞激直至峰下是夜宿道人居夜半月色潮聲不能  
 寐起坐臺際雞鳴與王夫登巖見日自海隅湧出雲霞  
 異色海氣蒼漭日光浮金萬里世之大觀也是日巖下



題石門曰寅賓巖壁大書一詩從宮之南渡飛仙橋尋  
白龍老君華陽諸洞降巘乘小堦從者徒步綠海灘亂  
石間行轉入山麓遵海而東歷番眼嶺下臨不測屢策  
杖惴惴由惡水河亂石灘皆海濤中行山廻從蛟龍嘴  
歇肚石黑松林皆山腹處極險非人跡所至有下清宮  
在山之隅不能至從黃水灘西北入山中凡二十里始  
有人居就樹下飯由山徑歷黃山峒黑山峒觀音峒皆  
蓋起數百仞極奇秀又二十里入羣岫間北峰峻極山  
半隱隱臺殿至則曉別琴絕僧番木階下乃援而升上  
有石洞洞額大書明覺洞大安辛未題余勒詩一章其  
中空同上如環環石如堵前設戶牖洞左有佛宇僧窟  
右石門從磴數百級上絕壁數仞下視滄海與天浮動  
島嶼皆空壁下一草庵老僧定處是夜宿洞中明日晨  
飯畢下山經石瓢清涼甸聚寶峰三里山峰下有道院  
亦宋所建上清宮宮傍石間跨朝真迎仙二橋橋側巨  
石鑱詩十絕亦立長春書字畫端整余書如夢令詞于  
右由寶珠山八水河十五里登天門山極峻險峰多奇  
狀如仙釋擁出山口復有二峰若石疊就高數十仞兩  
楹相峙上逼雲際下瞰滄海峰有立長春大書南天門  
三字大抵道上之山人跡罕至道釋之外鮮有登陟丘



蓋宋南渡後避世于此者從天門南下歷數十峰初視若蟻壤且近行數十里不絕每峰皆峻大而仰莫及者降至麓瀕海上曰韓寨上有聚仙宮碑勒元學士張起巖記敏于宮復從西北入山循澗牛欄禱塔巖僧帽石大風口三里河小風口瘦龍嶺清涼寺仙跡橋金剛峴二十里至巨峰其峰最高而寺周山之峰異狀百出徘徊不能去巨峰下數石百仞壁立梯窮徑絕有兩石若劈劈處見一竅上聞大聲一僧乘木梯下請升遂援之而上由壁中行轉至一茅庵甚明紫左有佛宇嵌崖隙

甚幽西北羣峰直出其後東南海色相映庵前牡丹諸奇花偃松異木從故道十五里出海濱御山麓西北行

皆平地四十里至萃樓山下數里至巔松千株皆偃蓋從石隙間深入有萬壽宮老君殿少憩尋翠屏巖余梯而大書之時已晚宿道人庵明日晨起與王夫尋古遺跡周山之石摩勒殆遍多金元人作者從王喬峴至凌烟峴下題同游歲月崢嶸見無色遠與道人吹笙笛下高架峴上飄然有物外之想遂尋金液泉夕陽洞石門山至清風嶺題名于嶺之石門又步至華表峯下一曰聚仙臺其峰疊石數十仞峻拔且秀奇少焉海中諸島東有大管小管車門滄洲西有龜島之公車屋大古小



古浮島皆登陟所見者

趵突泉

按圖泰山之北與齊東南諸谷之水西北匯于黑水之灣又西北匯于栢崖之灣而至于泅島之崖蓋水之來也衆其北折而西也悍疾尤甚及至于崖下則泊然而止而自崖以北至于歷城之西蓋五十里而有泉湧出高或至數尺其旁之人名之曰趵突之泉齊人皆謂其有葉糠於黑水之灣者而見之於此蓋泉自泅島之崖潛流地中而至此復出也趵突之泉冬溫水旁之蔬甲經冬常榮故又謂之溫泉其注而北則謂之灤水達于清河以入于海舟之通于濟者皆於此起也

沂山

舜肇十有三州封十有二山濬川禹蓋高山大川沂山其一也周禮職方氏正東青州其山鎮曰沂山沂山在臨朐南百餘里即古蓋與朱虛地顏師古曰沂山在蓋鄭志曰朱虛有東泰山考之水經云巨洋水出朱虛縣泰山脚道元注曰泰山者東泰山也巨洋水即國語所謂巨水袁宏所謂具球王韶之以爲巨蔑亦或曰胸瀾一水也而廣其目焉西則遠宗岱嶽東則俯視瑯琊山之巔爲自文崖有飛泉下灑曰瀑布左麓爲東鎮廟或



泰山之圖



圖考編

卷六十一

十七

曰中有堯栢背負鳳凰嶺南有穆陵關界長城書案二  
 嶺之間管仲所謂南至穆陵是也大峴柳龍諸山環其  
 左石門仰天逢山繞其右高胸委粟奠其北金泉瀾水  
 經其後斯則沂山之靈秀為東方之巨鎮也自虞夏有  
 皇秩之典至周有埋沈之祭秦祠加車乘驪駒



泰山在泰安州北東方之嶽也一日代崇宗又曰兗鎮周禮職方河東曰兗州其山鎮曰岱山書曰二月東巡狩至於岱宗五經通義云王者受命易姓報功告成必於岱宗東方萬物始交之處宗長也言爲群嶽之長詩曰泰山巖巖魯邦所瞻傳物志云一日天孫言爲天帝孫也主召魂東方萬物始成故知人生命之長短白虎通云王者受命必封禪封者增高也禪者廣厚也皆刻石紀號著已之功績以自效也天以高爲尊地以厚爲德故增泰山之高以示報天禪梁甫之阼以報地漢官儀

岱嶽泰山





及泰山記云盤道屈曲而上凡五十餘盤經小天門大  
 天門仰視天門如從穴中視天窻矣自下至古封禪處  
 凡四十里山頂西巖為仙人石間東巖為介丘東南峯  
 名曰觀雞鳴時見日始欲出長三丈所又東南名秦觀  
 可望長安秦李斯碑篆毀僅存數字吳觀者可望會稽  
 周觀者望見齊黃河去泰山二百餘里於祠所瞻黃河  
 如帶若在山趾蓋侈言也又云山南有廟種栢千株大  
 者十五六圍相傳云漢武所種今所餘無幾小天門有  
 秦五大夫松尚存嶽頂有秦無字碑人云內有字蓋龍

之也新崖數丈唐開元九年泰山銘隸書歌對遊時  
 猶封文在其右字寸許類題刻片隸書歌對遊時

人蓋以忠孝節義四大字盡饒毀見者痛惜山有丈人  
 獨秀雞籠老雅獅子蓮花懸石諸峰百丈捨身馬棚鷄  
 鷓諸崖石經石壁佛寺鬼椒子鄴都桃花馬蹄溪里諸  
 峪廻馬鴈飛黃峴思鄉青峯西橫諸嶺牛心龍口試劍  
 龍紋虎阜諸石迎陽呂公白雲遙觀思仙諸峒玉女王  
 母白鶴白龍水簾諸池又有明月嶂登仙臺下有東西  
 中三溪有二云亭亭梁用杜晉蕭然萬里諸山皆先代  
 所禪者上有嶽廟碧霞仙女祠四方乞靈者歲無虛日  
 所施牛羊馬金綺錢帛甚多有司掌之歲數萬金山東



之財用實資焉

### 泰山

自濟南往謁闕里回抵泰安公館夜酌景賢曰喜茲和  
煦明當同登泰山一覽奇勝可乎余諾之明晨起與景  
賢聯騎出州城北望輕煙薄靄橫帶山腰適叅政葉拱  
宸副使莊尚源邂逅而至遂與偕往北行二里過白鶴  
泉泉出石罅沿溝鼎沸久旱則滲漉距西百餘步曰梳  
洗樓不知幾於何時惟存故址從西折北二里有王母  
池泉甘而冽瀟沸潏灑不竭不溢鄉人取水崇兩頗驗  
又北五十餘步曰呂巖有呂仙石像宋時建樓閣埋圮  
獨荒基破礎猶存今圍以石垣其中深林茂草森森  
密曄曄猗猗頗有佳致至山麓時日出扶桑雲霞絢綵  
目前群峰錯立遠近異態景物之奇似快心意自山麓  
抵迴馬嶺十餘里羣峰對峙截辟崢嶸勢相噬齧中夾  
溪流轉騰激洌觸崖石激堆琦其聲澎湃濶濶宏宏縈  
迂數里入汶又有巨石大者如輪小者如甕碑砣礮礪  
偃卧路徑難以數計策馬單行崎嶇至嶺下是嶺岌峩  
陡絕車騎不可前馳余四人神思覺疲僕從亦有倦色  
少憩石上飲茗易肩輿穿深林踰大石行可四里陡崖  
剝削中夾石徑陁陀險阨有石磴可躋復行二里許即



宋真宗東封帳宿處曰御幃其地夷衍嘉木榛榛繁陰  
布地前即深澗集菴膏渟水光映天巉石錯雜如斷齧  
有小魚色青黑浮遊水面臨溪觀之時羅道士獻茶餅  
余試以餅餌之翕然聚已而尚源授以小石悉潛去復  
三里餘至黃現山秦時有松五株始皇登山封五大夫  
枯沒後人續植者有百餘年老幹拳曲擁腫宛若蒼龍  
勢欲飛騰余四人休憇其下嗟賞奇態又行二百餘步  
曰百丈崖崖下音如屋可容十餘人臨瞰道傍紫蔓青  
蘿搖綴蒙絡傍有石洞豁豁而黑莫測深廣人亦懼照  
不敢窺又經石壁略至十八盤兩峰對揖峭削如壁其  
間累石爲徑盤屈西南天門幾五里遠望如梯懸倚山  
畔此最險絕易出轎盤道而上入又門東行數里詣昭  
真觀易冠服薦祀紫霞元君問道士云不知創始每歲  
春月四方謁者踵至心弗虔立致奇報余聞而驗之數  
矣已卽祠後觀碑唐玄宗紀泰山銘字大如手歲久風  
雨多剝蝕其字距東十數步觀始皇封泰山制李斯所  
篆其石埋植土中高五尺形制似方非方四面廣狹不  
等余刮磨垢蝕而細觀之總二十二行行各十二字多  
不可識又西行數步上大平頂此泰山最高處上有磐  
石方丈庶隅尚整翼色光潤可愛余四人坐石上少頃



拱宸尚源足疲怯還昭真觀余與景賢蹇裳徑往頂上  
俛瞰羣峰攢簇伏地若培塿獨神霄兩峰崢嶸特起佳  
花異草含丹吐白者駢羅列布於巖谷靈禽恠獸啾鳴  
嘯號之聲雜沓應耳最爲泰山奇勝又有三峰曰日觀  
吳觀周觀余與景賢縱目四顧渺然無極而崧華恒霍  
諸山以及江漢河濟諸水皆可指數誠天下諸山莫踰  
其高時日正午風清氣爽徘徊既久頓覺神思飄洒迥  
隔塵寰而不知身踞青霄上也復從頂東下數十步有  
玉女泉水清甘美道士時汲湔茗又東行二十步曰龍  
口泉大石有罅如龍吟其口水自中出其流瀉瀉有聲  
淅然復從險陁南行四十步懸崖峭壁巖岨崢嶸時風  
余俯身覘之毛髮豎聳有怪石形如大匱虛倚崖畔風  
至搖撼問道士云此謂捨身崖人脩道從茲捨身入靈  
境余與景賢深惻道士惑世者成人之生遂命州官塞  
路徑絕往來崖之西有五峰嶙峋巉簇其狀若蓮名蓮  
花峰自西山小山折旋而東層嶂疊出泉湧石上奔瀉  
數十丈縷縷如簾名水簾泉其鷄籠諸峰桃花諸峪多  
有靈跡奇勝獨嶺嶠龍窠巖壑巋嶮荆秦交迷路徑不  
可到從天門盤躡而下至半嶺正夕陽西照四視山  
色玲瓏水光蕩漾樵翁牧子隱隱樹林間恍若畫圖中



魯國圖




圖書編

卷之二十一

三十一


人物欲乘餘興往徂徠尋竹溪入逸堂設基石宇道隱  
 居日已暮矣








國朝闕里廟制



圖畫自編

卷六十一


二十五





尼山

居曲阜東六十里出城十里左右累泉然盡魚且蓮諸陵  
 去二十里茂林葱鬱中有馬鬣封者顏墓也及二十里  
 餘遠近崗巒秀列隱若龍虎蟠踞環結而為五峰者此  
 即尼山也山下有夫子廟廟東有中和壑南有觀川亭  
 亭下有智源溪匯眾流為川川有坤靈洞俯視之深黑  
 不可入相傳中有石床石枕諸公徘徊久之相與嘆曰  
 天下之大非無名山大川可觀而千萬年斯文一脉獨  
 肇於此得非天地五行精萃之氣自開闢初已秘於此  
 一旦吾夫子應禱而生有以獨得之盡奪天下古今之





秀爲人之至又爲聖之至也

闕里廟圖

廟之制中爲大成殿十楹崇八丈邃有奇廣倍其半爲左右廡百餘楹後爲寢殿八楹前爲門四重中爲橋三殿之左爲家廟後爲神厨前爲詩禮堂爲神庫又爲燕申門殿之右爲啓聖王殿後爲寢前爲金絲堂又前爲啓聖門前左右爲齋室室之外爲快想仰高二門與觀德毓粹二門而四又左右爲鐘鼓樓與角樓而六閣之前後爲碑亭各四前四亭則

木朝

御製而祝物諸文皆附焉

闕里

嘉靖二年閏月芬舟抵濟寧問道謁闕里得九川言君爲主伍寒泉適以部事至偕行甲子祭濟寧東趨昌平驛六十里又東趨四十里乃至是夕薄分館沐浴明日早具菜果携麻姑泉入廟脩釋菜禮九川曰此禮廢久矣禮畢入寢殿拜鄆國夫人入右殿拜啓聖王出觀杏壇壇在正殿前有新杏竹亭出大成門觀手植檜孤幹古色若虬旋起未已出奎文閣至大中門又至儀門見兩墀栢陰鹿數十皆黃色乳而馴却登奎文堂之北南



東皆山環抱若人冠冕佩玉執圭秉笏端拱正揖逡巡  
 於三十里外正南為綱山其外為鳧山山之麓為伏羲  
 畫卦所東南為防山其外為尼山尼山之南為黃山又  
 其外為顏母山為嶧山為三峰山亦名車稍山蓋二百里而  
 遙正東為東山其外為九龍山又其外為鳳凰山為陪  
 尾為蒙山山之南為夾谷蓋三百里而近東北為馬鞍  
 山山之夕陽為夫子刪述所其外為臨樂山為昌平山  
 又其外為龜山蓋二百里而近正北為九峯山其外為  
 甌山為杏山又其外為梁父為二云為亭亭為介丘為  
 祖徕至所聚嶠為秦山望之烟雲縹緲蓋百里而遙其

西則廓然惟淺壠平阜依稀環抱若宮牆若城郭周遭  
 數十界水曲曲可辨其內為沂為洙為泗其外為漕為  
 洸又其外為汶為濟大抵皆西南流會于今之濟河乃  
 折而東徑徐以入于淮也然沂水出于尼山徑闕里之  
 南西流滙于達泉溢于雩水行七十里入于泗非東出  
 于岱麓之沂山至于下邳行六百里之沂也洙水出臨  
 樂山西北流浮孔林入于泗非出于交城北之洙也泗  
 水出陪尾山西流徑闕里之北百里強折而南會於沂  
 入于濟非東出乘氏南東流至睢陵行千餘里入淮之  
 泗也汶水有仙臺原山寨村三源皆西流合于泰安之



下又西流六十里合徂徠源之小汶河乃注于洸而南  
 入于濟惟良泉則仰出于黃山北流徑東峙羣峰之外  
 以入于泗奇矣九川曰凡山皆發于崑崙至於都會山  
 必西峙水必東流闕里之山環北南東三面而沂汶泗  
 又皆西遊蓋逆矣芬曰地勢東南傾而水流焉氣漸盡  
 也中原地氣此其障與夫黃河排積石入中國衝潰突  
 厥其患不啻獫狁金元非代嶽諸山東奠之則青徐之  
 境與碣石俱淪矣茲土山水俱逆實啓中國元氣之運  
 故岱於五嶽得稱宗焉而伏羲畫八卦以始斯文孔子  
 作六經以終斯文皆于茲土亦萬古人心之障也九川

曰闕里當金分

元氏爲兗州之分野異分以漢書

衛文徙曹楚丘仍占東壁

東壁衛分野也楚丘魯地也

然則斯文在

茲其天地之交元氣之會與聖公曰予今日始有聞矣  
 遂下東谷詩禮堂堂舊名延賓又入觀孔聖家廟廟前  
 爲舊金絲堂基即魯共王欲壞處九川曰事亦神哉芬  
 曰不然昔夫子厄於陳蔡大夫而絃歌不衰夫夫乃感  
 而去共王壞宅時孔氏子孫無如之何亦惟金石絲竹  
 是脩耳共王果亦感而止故君子貴自艾聖公寒泉皆  
 躍然曰子於處憂患之道幾矣已訪聖公宅與脩士相  
 見禮公固讓廢之日午公雷餉設酒樂具絲竹有琵琶




短邃而琴簫闕焉酒七行罷往拜顏廟于街之東北有  
 樂亭于堇儀門外有古井其陋巷在廟之街東南是行  
 也聖公不與既而出城北北四里所拜孔林至則聖公  
 及博士聞禮先生亦集矣導自漸門入二百餘步為夫  
 子墓土封高丈餘芬升之林木深秀無禽鳥聲洙水漾  
 於前緣淨可染其西南有子真舊場時有為除草築室  
 者東南隧道左有駐驛亭未入出饗殿前觀二石人四  
 石獸奇古予三人摩挲久之聖公曰人則翁仲獸則或  
 以前為角端然與芳曰獸則外一為神羊即獬豸內二為

獸馬人則魏明帝鑄銅列於司馬門外者號翁仲恐墓

前石人別有稱或者方相之類與上前門坐少頃九川  
 復引至刪述所距孔林東北亦四里因元有書院九川  
 增大之且易書院名為洙泗講壇壇實據二水之勝而  
 馬鞍山又別委三峰如筆架于堇果神秀哉壇後為聖  
 公別墅亦造焉因與之別而往拜周公廟于城之東北  
 其地隆聳蓋足俯睨北南東三面之奇也公之後有東  
 野氏殊零落

孟廟墓

鄒本古知小國交州之南鄙也至繆公時改邾為鄒鄒  
 城東南隅有岡曰文賢其勢回旋掩抱有溝曰因利水













中有仙藥中青要新白石灑池灑三塗嵩砥柱陝即禹

巖有仙猫洞門禹鑿通河曰鬼門雞足陝上有虎巖洞峴山靈閩山

中曰神門北曰人門龍門龕在府南二十五里兩山對峙東

鄒能耳廬氏即龍門龕日香山西日龍石壁時立伊水

石龕石佛大小千數王喬洞新安洞上二木皆化為

南陽府山曰豫山城杏花鎮桐栢唐淮水銅山必紫金

鄧熊耳鄉丹崖其石悉赤壁時霞障若江方山裕即日

為箕山舞黃城葉即子崆峒汝昔廣成子隱此然崆峒

在周述黃帝問道崆峒遂言游魯山魯嶧嶧山嶧嶧

法寧府山曰天中府城北亦名天台山高山餘上土

陽固始數莫正于此蟠山確石城信洪山遂羅山羅浮光光安

漳德府山曰韓陵府城賀蘭磁五巖湯東澗臨隆慮林

大行按恒嶽黃華在隆慮山內有二峯名仙人樓王女

景最奇絕連峙若屏名連屏峯羣峯磊落如仙人聚集名聚仙峯

下有黃華谷北巖出瀑布又有抱犢岡馬鞍山樓霞谷

景頗幽勝又鼓山武崇山涉流沙嶺林縣其嶺多沙遇

有挂鏡臺衛輝府山曰神山城西一同盟獲蘓門輝晉孫朝陽淇

牧野府城青巖山在淇縣西南上有水簾洞

懷慶府山曰大行府城北其山西自濟源東北接河內

里峯谷巖洞景物萬狀雖各因地立名然實皆大行

為中州巨鎮禹貢大恒山至千碣石亦相聯屬之意王



屋

濟源縣西百里禹貢底柱折城至于王屋是也以其山形如王者車蓋故名

天門

修武紫金

孟

明月山

層巒疊嶂左右迴抱宛如城闕大行之支峯也西有蒼公洞洞方一丈有天平石光瑩如

碧王

然 百家巖

河北諸郡山之所至隨地異石其實皆大行也脩武北五十里有曰百家巖者以巖

首稍平可容

百家故名

白鹿山

下百家巖並大行之麓北行三十里至白鹿山山之半有白茅寺一

曰白雲泉中有三鳳嶺西有二

石門山

白茅寺東北至石門山兩山壁

泉左曰金沙右曰銀因像異名

立相

如門下有盤谷

王母洞

天壇

洞下淵深莫測

王屋山

王屋山在濟源縣西百里禹貢曰底柱折城至于王屋

是也以其山形如王者車蓋故名或曰山伏如屋也又曰山空其中列僊宅之其內廣濶如王者之宮也按龜

山白玉上經覽茅君內傳皆云大天之內有玄中洞三

十六第一曰王屋之洞周回萬里名清虛小有之天柱

甫詩憶昔北尋小有洞即此山也其絕頂曰天壇常有

雲氣覆之輪囷紛郁雷雨在其下飛鳥視其背相傳自

古仙靈朝會之所世人謂之西頂蓋以武當山為南頂

泰山為東頂而並稱三頂云夙慕天壇王屋之勝顧塵

事羈縛恒以未獲一游為憾歲乙巳三月十三日乙亥

蚤起渡河往游是夕宿元武翌日丙子宿武陟丁丑宿

覃懷戊寅宿濟源己卯晨出縣城西走溝中四十里飯



胡嶺又折西南行十五里度秦嶺皆行山上逾五里至  
劍河堡南行又折西北行十五里陽臺宮在王屋山之  
麓唐司馬承禎脩真之所也明皇御書寥陽殿三巨字  
殿中塑昊天上帝像旁侍十二元辰皆備麗而白雲道  
院乃巨寥陽之東曰白雲者承禎別號也宋徽宗嘗游  
幸其中天尊殿壁繪神仙龍鶴雲氣升降輦飾羽儀之  
屬甚奇蓋開元中人筆殿左有唐大中八年碑上刻睿  
宗與子微書并送還天台詩入道院見大鑊一徑丈深  
數尺勝國時物也宮之南有八仙嶺其勢如八仙飭冠  
佩下天拱揖而嚮陽臺又有仙貓洞燕真人丹成鷄大  
皆仙去而猫獨不飛昇至今在洞呼之卽應者又一小  
泉皆去宮不遠出陽臺宮東北行下山百余武謁煙蘿  
子祠祠前有洗參井祠卽煙蘿子宅址也煙蘿子者晉  
天福間人世傳煙蘿子佃陽臺宮田苦積功行忽一日  
於山中得異參闔家食之拔宅上昇云過祠北行礮道  
中褰亂藤履危石東西兩山壁立千仞風颼颼起巖谷  
林木間令人震恐礮道中行八里復上山坂壘嶽盤曲  
莫記層數乃循石磴道士導引入紫薇宮仰視臺殿如  
在天上至門金書榜曰王屋山朝真門門內爲天王殿  
榜曰天下第一洞天又上一層曰三清殿面對華蓋山



如几案又上一層曰通明殿設昊天上帝像殿中環列  
朱龕貯國朝御賜道藏經若干幽有碑數十通皆宋  
金元時物薄暮酌方丈之松菊堂翌日庚辰興爲天壇  
絕頂之遊乃乘小山轎僕夫持繩牽輿以上出紫微宮  
西上一二里至望仙坡閱披雲子修煉之跡又上四里至  
憇息亭凡登絕頂者至此必飲茗少憇故名其地有仰  
天池四面高而中凹舊有泉今涸至此則山徑愈峻險  
轆不可行乃步以上過此則躡瘦龍嶺登一天門曰瘦  
龍者以山脊之癯如瘦龍露骨也過一天門登十八盤  
山后壁陡絕旋繞而上至嘔嘔雲橋觀煙蘿子登仙石石  
上有足跡下有澗曰避秦溝又稍上則紫金巖巖之石  
有三官洞洞前有仙人橋少頃至南天門愈陡絕手攀  
鐵索以上觀軒轅黃帝御愛松小憇換衣亭謁玉皇殿  
殿之東曰清風臺西曰明月臺皆巨石也又行數十武  
至絕頂入虛皇觀謁軒轅觀真君祠乃陟三級瑤臺極  
其遐覽東曰日精峰日始出時晶彩爛然西曰月華峰  
月上時光華先見也於是東望海岱西眺崑丘北顧析  
城南俯黃河如縣如高山少室隔河對峙咸聚目前下  
視華蓋諸山卑如培塿竊意天下奇觀無踰此者余徘徊  
久之乃下三級瑤臺偏觀古今諸石刻而日已曛矣



是夕宿上方院入寢室將就枕道士走報請觀天燈亟  
出視之則見遠火如流星下上明滅杳無定跡時從行  
者咸相顧駭異辛巳昧爽起觀日始出之景甚奇天旣  
明陰雲蔽翳移時頃之霽步至北天門見古松十數株  
天躡如虬龍環列成行儼如侍衛皆千百年物也遂觀  
捨身崖志心石在東北虛巖之上突出一石濶尺許長  
丈餘勢欲飛墜下瞰峭壑神悸股栗又觀老子煉丹池  
池上有老子祠古碑存焉又二里至李道人庵聞東北  
有王母洞奧邃莫測人跡罕至元歲時投金龍玉簡于  
此余欲往游之道士曰徑險不可行且有蛇虎潛其中  
乃下南天門一里許游黑龍洞洞前有太乙泉一曰太  
乙池蓋濟水發源處也世傳悉城之山升白氣于天落  
五斗峰化爲濕雲自石竇中滴水降太乙池云道士曰  
每歲諸元會日五更之初輒聞仙鐘自遠洞中發聲悠  
揚清婉可聽又曰日出沒時間有倒影之意

### 王喬洞

新安有王喬洞在縣西二十里石皆土所成取而破之  
木葉之形交錯其間若雕刻者盡山石皆然洞之上二  
木亦皆化石而復產枝葉與凡木類按王喬有三其一  
乃周靈王太子其一漢葉縣令其一蜀之益都人俱有



仙術今未知孰是而神仙之事皆昔固有之矣

### 霖落山

州西北四十里有山曰霖落寺曰香泉者初自寺莊入  
山門約行六七里峰回路轉得古浮圖亭亭出杳靄間  
清嶂回抱真畫圖也望東北諸峰頂厯蒼穹足注絕壑  
山之椒萬石林立極太湖奇特之狀半空磊落勢若飛  
來蒼巖老栢儼視上下雲煙空翠顧接不暇即霖落山  
也行百餘步徑漸狹束石磴礧不能騎青鞋竹杖推挽  
以進還自絕澗底陟西磴道入寺殿廢基巔崖上東西  
二佛龕歲月崢嶸皆開元間物南瞰哀壑心魄爲動王  
子與客循東崖而下抵霖落是即看青壁斗絕如削  
謂之捨身崖者是也少憩轉而升東北石磴攀蘿蹴鱗  
度滴乳古崖再折華嚴壁下壁磨崖爲之作隸書刻華  
嚴部特精緻可觀字約萬數寺僧誕誇時出光怪中鑿  
巨龕古佛護以龍象其香泉自經洞石罅中流出穿雲  
竇石復從乳巖半腹下瀉作瀑布流飛濺叢石間珠跳  
玉迸盤旋百折山藉以潤寺仰以清也西崖對峙老藤  
怪石出柵樹間踳踞騰拏如衆獸相搏望之愕然而恐  
野人曰此獅子巖也其西北一峰天成如臺石徑作梯  
盤曲而上若雌霓掛樹連卷未收即寺之眺月臺也其



故趾相傳昔魏安王起雪宮於此

林慮

太行之秀至吾鄉西山融結爲最觀郡乘載柳仲塗居  
聞僧惟深言天平泉石過衡嶽遠甚明日夙興拜韓公  
墳讀富鄭公所撰碑碑有亭故無損石極美碑陰有樹  
如水墨所畫墳皆甃甃所完者尚多兵荒中有僧紀公  
奮身捍蔽卒賴其力宅兆形勢風水家圖以爲式以爲  
天地間不多見者憑高歷覽又登寺西南經閣果極其  
妙高下陰顯與圖所傳不異也小酌遂行林州知州李  
祐之迂于諸翟晚至州宿萬安寺丙寅謁廟學游黃華  
山和叔送予出郭北門行十餘里至其麓皆小石榭榭  
是日大霜水皆冰人謂地高寒較他地早一月榭葉青  
紅可愛路漸高聞水聲於灌叢亂石中又數里山益高  
峰益峻壁益峭澗益深路益險水聲益大峰回路轉掩  
抱重疊使人應接不暇澗皆盤石高下爲蹬級泉流其  
上懸而爲煉激而爲湍飛花旋碧喧豨飄洒其潞而爲  
泓者清澈如空纖芥可見寺相近屏嶂益奇亂石不可  
蹄過盤石道左有水磴作屋其上自麓又十里至寺石  
柱刻張商英絕句詩言高歡避暑事棊字韻叶來字註  
切其下他柱多題刻漫滅不可盡讀大率多崇觀間人



少憩遂入山觀水簾逾三里許遂不可騎矣始見懸瀑如練於半天騎留林石間相率牽擁而登焉峻坂微徑亂石犖确如梯而無級樛木交錯攀蘿挽條尺寸而進賴健卒曳組于前挽之而登因思東漢封禪記所載登太山事此近似焉問俗至否以僧言遠近爲喜畏又三里許始至有石突出如屏四向無所連着其高入雲所謂挂鏡臺也前有盤石疲甚坐其上望水簾北崖者僅如匹練下濺崖飛白始濶其西者崖上垂白亦不過丈許意謂昔人傳誇過實俄從卒持三冰柱長五尺許以獻云至簾下得之且盛言其備遂欲卽之發火一酒引滿數爵諸生暨從者遍飲之乃緣南崖微徑迤邐而西而北坡極陡峻草石皆冰滑不可拔足尺寸展移栗栗危甚乃至西崖下水簾內仰面望之目力爲窮始見崖上之水飛灑散布踈密勻整自崖而下至澗底其長不知幾百丈其濶百余尺光明透徹去人尚五丈許真所謂迸珠簾者也負崖坐石久之拆而東至北崖簾下有崑坐數十人簾之長又過於西者東邊頗濃厚自巔至地時如團雪投墜而散連屬不斷加以動搖飛舞如玉龍蜿蜒狀餘皆與西簾同而簾皆清氣襲人時時飛灑如細雪着人面信天下之奇觀也簾下沾灑細草皆爲



清水日夕凝積或聳直如玉筍或披踈如珊瑚蔽崖彌  
澗牽形異狀不可殫記瓊田瑤草殆此謂也西崖下望  
挂鏡臺則培塿矣此山之形竒峰重疊如展畫屏不知  
高挂鏡臺又幾百丈周圍環抱而開豁其東臺如門屏  
而伍置偏南臺前之山一遮一掩又不知幾百重也始  
坐盤石疑水簾之小蓋遼遠空澗掩映崖石淡然而無  
加以老目茫茫故也北簾之東又有懸瀑望之差小青  
壁無路不能卽觀久之循來跡而歸后間多蘭臺上石  
墜于下者皆爲水波龍鱗之狀方平可愛且乘且步俄  
至寺前就盤石列壺觴以坐又以經樹及山果如丹砂  
者與僧所持冰列于前清泉泠泠非迫於暮不忍歸也  
復延子敬同至黑龜山寺殿東椒壁有梅軒佚老真元  
癸酉歲所題文字皆竒其下殘缺石柱多宋人題名綠  
石磴登方丈鳴篳小酌從者得雉雉炙以侑觴題詩於  
東壁而出至岷峪東二里餘支題龕琢石崖爲之有開  
元十九年蔡景所撰碑刻甚精寺前流泉怪石不減黃  
華寺有巨槐蔭地數畝山門有白松皮葉皆異磚塔嵌  
張商英聖燈石刻聖燈寺在西北峰絕頂望之隱隱見  
其殿宇僧云蓋四十里之遙余獨乘月登陟坐松下盤  
石僧有普寺者善感策終日獻藝至是又率其徒按謁



鼓笙笛鏗鉤交奏迭作於月明松影中清風颯然山鳴  
谷應不知此身之在人世也昔歐謝諸公游嵩山見石  
室汪僧叩厥至論余之游乃得此輩可爲一笑不意此  
山秀拔在黃華之右至於水簾之奇偉與夫遮掩環抱  
重疊深遠則不及也二山之泉皆去山數里沃入地中  
東迴過諸翟翟曲宿下洹庚午至鳳寧山山在洹水之  
陰峭拔奇秀望之如鳳聳石爲兩翼上有亭其巔又爲  
亭亭上爲屋兩重塼三聖女其上有金泰和間碑載乞  
石烈氏所建三女則不能究其氏族也山多古栢路甚  
險登之甚勞既至其巔則俯瞰二亭若井底坐又風急  
始徹俎而下過南齋觀丈八佛大碑浮屠則佛其中有  
紹聖間石刻過槎牙嶺至善應宿儲祥宮宮有洞洞房  
以壁爲之

伊闕

河南府南三十里橫亘一山爲禹所鑿引伊水北注伊  
源從閩嶺嶺五百餘里四山扼阻至是獨窪且薄禹順  
其勢導之使民得免於魚又不煩重費非大聖人精靈  
與造化爭功能及此乎且丹崖並峙萬仞斷裂潺湲中  
注後世因作技巧崖體遍劃龕居佛佛大小不同龕洞  
淺深宏窄不一競竒呈異星布櫛比不能以萬千記名



其總曰鑼鼓洞曰蓮花洞曰雙塔洞曰水斂洞曰金佛  
洞激以水聲其流響鏗鏗是名鑼鼓上旋頂作菡萏瓣  
是名爲蓮花下臨諸瀾勢甚激搏立洞口悉收聽之是  
名爲水斂洞上建雙塔洞內有金佛是名爲雙塔金佛  
奇莫如鑼鼓盛莫如蓮花自鑼鼓蓮花而下石罅中迸  
湧三泉由金佛直下石罅中迸湧五泉山南北有鳳仙  
乾元香山看經天竺潛溪廣化寶應八寺徑口有五龍  
廟

### 蘇門山

蘇門山古士率棲焉其著者魏阮藉晉孫登宋李之才  
邵雍元許衡姚樞耳然諸皆有祠獨籍不祠也蘇門有  
九峰山亦奇絕然其上無泉侯趙川亦無川可恨也大  
行山至蘇門峰萬餘數森森若排劍北寺中有三峯獨  
奇奇三寺各當一奇有一泉繞之流乃其泉數里觸大  
石輒入地故不至侯趙川予觀三湖之險蓋虎豹之窟  
而魑魅所宅也西踞壺關北跨陵川東扼林慮上黨有  
盜賊恒數百騎來則穀弓弩持刀出沒林阻巖谷間號  
曰青羊白戈云而盤山路石呀呀嶄嶄行若登天然過  
此豁然曠川而四面皆山所謂侯趙川也蓋若桃源焉  
三湖有巨竹蒼茂登山西望亭亭綠崖而綠者竹也中



湖則有石鏡半規耳而默瑩能鑒天日山河人物焉豈不異哉

砥柱

在郊州東五十里黃河中以其形似柱故名禹貢謂導河東至於砥柱卽此乙卯徃游砥柱離州二十里午食又二十里循河行十里至三門集津三門者中曰神門南曰鬼門北曰人門其始特一巨石而平如砥想昔河水汎濫禹鑿之爲三今水行其間聲激如雷而鬼門尤爲險惡舟筏一入鮮得脫者名之曰鬼宜矣三門廣約二十丈其東百五十步卽砥柱崇約三丈周數丈相傳

上有唐太宗碑銘今不存蔡氏書傳以三門爲砥柱卽

志亦謂砥柱卽三門山皆未嘗親履其地故謬誤若此

嵩嶽叙

五嶽均擅天地之奇觀而詩獨稱嵩高惟嶽者何白虎通云以麗四嶽之中故高之也其山峙一室環五乳列三臺皆屹然天表手可捫星其下大河東注碧洛南折轟轟乎枕地軸應天樞五精凝藏矣故峯爲聖哲則申甫生發爲義烈則夷齊果許出秘而爲玄真則有面壁仙去者皆騰光吐圖之休禎也若夫時雨暘祛災沴則嶽之餘耳自昔聖朝明王秩祀摛文而騷雅窮奇之



士息焉游焉咏焉歌焉皆所以發揮中極宣洩元靈信  
 疆場明祇組繡鉅觀也斯志也置之凡案時一觀焉全  
 嵩之佳勝際際在目固不必履登封之趾陟二室之巔  
 而後為遊嵩也

嵩山圖



圖書編

卷六十二

四十五



大室山分圖



大室山分圖

大室山分圖

大室山分圖



大室山分圖

大室山分圖

大室山分圖





少室山八分圖







嵩山

至洛陽欲圖嵩山之游二日至偃師縣三日自偃師沿  
 洛河南行五里渡河十里登唐廬陵王墓石表猶存中  
 一牌高大字漫滅不可讀三十里至萆嶺口兩山對峙  
 巖道崎嶇乃唐高宗幸少林寺時所鑿山行八里至其  
 少林寺寺在少室山北麓有碑後魏孝文為胡僧跋陀  
 建者唐太宗為秦王時賜寺僧教當時寺僧之立功者  
 十有三人惟曇宗授大將軍其餘不欲受官賜地四十  
 頃此可補唐書之缺少林僧至今以武勇聞所從來遠  
 矣寺佛殿後為講堂後左有立雪亭昔僧慧可常侍



達摩靈深至腰不去卒嗣其法今僧中稱為二祖出于西廊百步有甘露臺胡僧跋陀於此翻經天降甘露故名西北上山一里至達摩庵殿前有六祖手植栢又上一室門外石刻達摩面壁之庵六大字宋蔡汴書室中塑達摩像案前石高僅二尺廣半之達摩之形宛然其上拭之益顯蓋庵之上四里有達摩洞茲石乃其九年所面者古謂精神可通金石諒哉回至方丈寺僧文載言經閣後有古槐往視之其高十丈圍三十尺文載復誦文潞公游寺詩有五品封槐今尚在之句則其壽可知第未知封自何也出寺東行十五里折而東北

四至戒壇寺破屋三楹中四碑刻元學士李溥光所茶榜字徑四寸道備可愛又旁有唐大曆二年勅戒壇碑寺左百步為會善寺灑堂中有後周嵩陽寺碑後刻云大唐麟德元年移植於此可謂古矣佛殿東偏有泉出自山中東南行時有飛雪十里至登封雪乃大作庚午雪霽東行嵩山近日雪蒙其巔如玉田瑀樹復相帶映其清逼人恨無工畫者如范寬輩以圖之耳八里至嵩山神祠祠在黃蓋峰下蓋嵩山巍然中國之中其周幾二百里羣山拱列有類兒曹宜其秀鍾靈聚為五嶽之尊而黃蓋一峰在山東南盡處其宅神靈尤宜祀之



外有亭扁曰草叅過客憚於入謁多展拜於此入門三  
 重或有古栢或喬或偃或俯或欹或屈而蟠或怒而攫  
 或奮而欲騰又或如帷蓋之張幾二百株三門內左右  
 列四嶽祠又有降神殿壁繪古甫申像歲久剝落謁嶽  
 神殿西為御祠祠多歷代碑刻南行二里折而東北又  
 二里北麓入廬巖寺蓋唐廬鴻隱處後為僧廬其上四  
 里有廬巖上寺聞石壁飛瀑數丈視此殊勝路陟雪深  
 竟莫能至辛未燈封北三里里高陽廢觀其中所存唯  
 唐李林甫記元五祖堂記二碑及三古栢栢之高皆不  
 逾三丈大可六人圍舊有石刻云漢武帝封太將軍  
 次亦可四人圍道士云此次將軍也皆形狀奇甚不  
 圖繪又東三里據山陽為崇福宮其後名萬歲山昔漢  
 武臨幸聞空中呼萬歲者三因即其地建萬歲觀唐更  
 名太乙下山東行一里觀啓母石石旁之祠及唐崔融  
 碑今皆不存按啓母石事見淮南子其說不經後人蓋  
 嘗辨之

